

近代中國史料叢刊第十四輯
沈雲龍主編

王文勤公（慶雲）年譜

王傳燦述

文海出版社印行

卷十一七葉十三行刑字誤作形

二十六葉九行悟字誤作晤

三十四葉二十四行織字誤作識

三十八葉十一行廉字誤作簾

四十三葉十四行壁字誤作璧

四十五葉十八行州字誤作洲

四十七葉十一行盧字誤作廬

卷十二二葉十七行敦崇二字應作崇敦二十行涓

字誤作雕

五葉十一行迺應作迺

十九葉三行熾字誤作織

二十葉三行趾字誤作跬

王文勤公年譜

W-188/13

王 文 勤 公 六 十 二 歲 遺 像



咸豐九年己未秋七月西蜀果州黃昭筆寫





王文勤公年譜

公諱慶雲字家鑑又字賢關初號樂一又號雁汀行
二又行五福建閩縣人始遷祖從江西吉水縣清
江鄉入閩譜系失傳三世祖長齡公以西清王氏
題墓版用別於瑯琊忠懿諸派祖以上業賈家故
饒子姓繁衍產屢析遂漸支絀會祖蜀水公諱秀
卿

誥贈光祿大夫 祖尹齋公諱熙 考紫庭公諱彩
鳳均疊

贈光祿大夫 會祖妣氏張 祖妣氏_林 妣氏蔣_林

誥贈一品夫人 文勤公兄弟三人 公次居仲
伯父英甫公咸豐初元

覃恩

馳贈通議大夫通政司副使 季父師竹公光緒五年

覃恩

馳贈朝議大夫翰林院修撰

嘉慶三年戊午一歲

公於二月二十九日寅時誕於福州城南祖居

嘉慶四年己未二歲

嘉慶五年庚申三歲

嘉慶六年辛酉四歲

嘉慶七年壬戌五歲

是年就傅立志宏大食物玩愛同輩欲之卽推與無

等 祖母林太夫人奇而愛之偕 伯父英甫公

從伯父磻溪公介士公心農公先後從塾師程先生
鄭先生黃先生學

嘉慶八年癸亥六歲

嘉慶九年甲子七歲

嘉慶十年乙丑八歲

能吟咏作四六小品師特奇之

嘉慶十一年丙寅九歲

嘉慶十二年丁卯十歲

嘉慶十三年戊辰十一歲

紫庭公以多病不耐塵勞與 叔祖分居遷文興里

再遷車駑境生計頗窘無力延師 公附學伯姑林

家從長樂陳松軒先生湖雲學宿學館旬日乃一歸
省松軒先生以公聽受誠篤每於夜闌人靜講授
經籍爲平生受益之最

嘉慶十四年己巳十二歲

嘉慶十五年庚午十三歲

嘉慶十六年辛未十四歲

是年應童子試肄業鳳池書院 外大母蔡太君與

先大母中表姊妹行悅 公敏慧端重以 先嫡

妣袁太夫人許字焉

嘉慶十七年壬申十五歲

嘉慶十八年癸酉十六歲

嘉慶十九年甲戌十七歲

應童試學使錢塘汪雨堂先生潤之歲試得公卷

已額滿檢各冊知方髫年抑使奮勵公聞之益勉

嘉慶二十年乙亥十八歲

嘉慶二十一年丙子十九歲

本年科試入縣學第二名袁夫人來歸應秋試未

第

嘉慶二十二年丁丑二十歲

館外太父家授諸舅讀借林可舟表舅士傳袁坦

皋仲舅莊受業於霞浦游彤白先生光耀侯官吳芝

圃先生蘭蓀之門高祖蜀水公遺約以祖居登龍

巷園亭與孫會之先游庠者爲書室公請於大

父卽園亭堂構爲宗祠祀蜀水公以下以旁院爲

合族書塾置祭產爲享祀費

嘉慶二十三年戊寅二十一歲

三月 袁夫人歿再應秋試十月 繼妣袁夫人來

歸 嫡妣胞妹也

嘉慶二十四年己卯二十二歲

學使欽縣吳退旃先生精科試取列一等第二名是

科領鄉薦中式第十名舉人座主爲道州何文安尚

書時官中允廬陵王霞九先生贈芳時官編修房師

爲古田縣知縣方先生字衡十一月伯兄傳瑚生

嘉慶二十五年庚辰二十三歲

赴禮部試不第 公早歲嗜讀路史逸周書韓詩虞

易及漢魏先儒經說屬詞瓌麗獨見心裁

道光元年辛巳二十四歲

六月 會祖妣林太夫人歿壽八十一 先大父母

叔祖父母垂白持喪孫會繞膝凡孫會男婦及外
孫輩持服者百人 公兄弟皆有聲庠序交遊赴弔
喧闐閭閻咸黨榮之

道光二年壬午二十五歲

再赴禮部試二月伯姊生

道光三年癸未二十六歲

三赴禮部試

道光四年甲申二十七歲

閏七月仲姊生

道光五年乙酉二十八歲

道光六年丙戌二十九歲

四赴禮部試

季父竹汀公游庠五月

不孝傳琛生

公每借計必載善本書籍歸里與同年魏又瓶先

生

本唐

翁惠農先生

吉士

王成煥先生

臻

晨夕過從

偶有心得或蓄疑則筆爲辨論相與切磋必問難明

晰而後己如是者十年此十年中門庭豫順食指漸

繁與

伯父

季父以館穀持家館課之暇約期歸

省煑茗浮白承膝下歡三十歲前非北上不遠出每

試榜發卽歸雖壬午癸未連科亦未留京恐勞門閭

望遠地聘者以晨昏不便謝之先後授徒白石頭鄉

葉家程家及從

伯父咸村公家策堂從兄

金輝

從

公受業乙酉領鄉薦葉程兩家游泮者三四人

道光七年丁亥三十歲

道光八年戊子三十一歲

道光九年己丑三十二歲

本科會試中式貢士第五十六名

殿試二甲第二十名

朝考入選第十名改翰林院庶吉士座主爲歙縣曹

文正相國滿洲玉文恭尚書寶應朱文定尚書雅安

李芝齡尚書宗昉歙縣吳退旃尚書椿房師貴筑李

和林先生泰交捷書到里伯父英甫公已臥病喜

爲之起公十月乞假旋伯父已於初五日不起

矣公號樂一取一樂之意舟次去家不遠夢伯

父告以號不可用醒而驚疑蓋骨肉精爽無判幽明

也入門見 伯父喪以不獲面訣爲痛 大父母年
高多方慰解不露戚容與 季父相對則不勝悲悼
恆淚沾衾枕命伯兄傳珮繼 伯父嗣

道光十年庚寅三十三歲

在里侍奉

道光十一年辛卯三十四歲

先大父母哀懷稍釋眠食無恙是年入都候散館

道光十二年壬辰三十五歲

四月散館列一等授編修

道光十三年癸巳三十六歲

在京供職讀史記前後漢書卒業輯漢唐碑刻爲臨
池本至今手澤猶存

道光十四年甲午三十七歲

五月奉

命典試廣西殫心校閱得士蔣琦齡龍啓瑞等如額
揭曉多桂林知名之士六月 先大母蔣太夫人在
籍棄養訃至格於關防撤棘星奔十二月抵里撫棺
號慟擗踊痛絕幸 大父強健節哀侍奉足跡不出
里門而儕輩矜式以文字就正者無虛日

道光十五年乙未三十八歲

十月附葬 先大母於芋坑祖塋十二月葬 英甫

公並自擇壽域葬 嫡妣袁夫人芋坑祖塋右側

道光十六年丙申三十九歲

讀禮家居十二月服闋

道光十七年丁酉四十歲

正月入都供職充功臣館纂修 國史館協修八月

簡放貴州學政十二月到任黔本僻陋士鮮專經下

車徽州縣以經學取士令報名於按臨日背誦問以

疑義其嫻習而知講解者輒冠場聞風交勸知崇實

學時善化賀耦庚先生 長齡 任巡撫息縣任薊圃先

生 樹森 督糧儲相以厚民生易風俗爲念創建尙節

堂居嫠婦之苦節無告者建及幼堂養稚孩之孤露

無依者董以紳耆賙之衣食教其紡績訓諸義塾厥

後嫠婦之孤稚孩之秀由肄業義塾貢舉成名者不

一而足其不堪讀書者教之匠藝及歲自食其力與

中丞觀察捐廉俸以裕經費定規條以垂久遠 公

爲文以紀之貴山書院闔省人文所萃與賀公月必
自課釐文體黜空疎每試一棚擇秀穎者送院肄業
親爲指授文風大振按臨所至防弊竇禁需索終日
危坐就案收卷有脫穎者己先入數幕中落卷一一
過目使無遺珠揭曉後牌招生童晉謁舉其所錄文
字得失面爲解論又勗以讀書立品武場閱馬步箭
技勇遇頂替挾摘無遺貴陽棚湫隘捐廉拓建增號
舍數百間

道光十八年戊戌四十一歲

道光十九年己亥四十二歲

伯兄傅瑚在里娶元配翁氏

道光二十年庚子四十三歲

十一月任滿交卸題楹云敢視同逆旅往來辛苦與人安筆硯猶恐受驕陽暴炙殷勤爲我樹桐槐寓護惜士類意也

乙酉奉命典試貴州猶見此聯懸挂考棚歲久剝落葺而新之孫男仁堪謹

註

公履黔三年以振興邊庠爲己任校閱精詳激

厲實學於特出之士優加獎賞貧乏者俛以公車路費誨人不倦三載如一日卸任時外郡士子咸戀恩誨至省送別者無虛日及官京師黔士赴會試者必造謁其捷南宮者率當時特賞之士恆與不孝道其獲益受恩如出一口校閱之暇尤留心當世之務取賀耦庚中丞所輯經世文編遍加評隲見林文忠公湖廣鹽漕各奏及各省奏疏有關時務在文編收刻後者手抄存之與耦庚中丞最爲投契

道光二十一年辛丑四十四歲

回京覆

命教習辛丑科庶吉士充功臣館纂修 國史館纂

修六月四妹生伯姊適同里羅樹濤京寓與黃壽臣
先生杜蔗林先生鄰居晨夕過從講求經世之學時

海上告警 公擬爲防夷策呈廖鈺夫尙書鴻荃封

奏又繪渤海圖說未及上以憂去先是學政任滿欲
乞終養 大父手諭以 季父在家侍奉且精力甚

健從無疾恙未之許詎意九月十八夜陡患暈眩汗
越呼家人起十九日未時歿壽七十六 公聞訃悔

悼搶地呼天悲號累日值大江南北兵差絡繹鎮江
戒嚴 公挈眷星奔崎嶇兵間不遑稍待

道光二十二年壬寅四十五歲

正月抵里望閣號慟撫棺辨踊以未親含殮爲終天憾讀禮家居課不孝兄弟及從弟讀書

道光二十三年癸卯四十六歲

孝義里祖居久屬他姓與季父謀購還二月遷居

焉閏七月奉先大父柩葬芋坑祖塋十一月爲傳

棗授室林氏祖居旁屋三楹顏曰荆花館與季父

談讌其中友愛怡怡老而彌篤以讀書課子爲務隨

所得筆爲劄記三叔祖父母六叔祖四伯父

伯母六叔父叔母皆停棺未埋與季父謀一年

之內悉爲歸土

道光二十四年甲辰四十七歲

二月服闋戀家庭樂憚遠行淡泊自甘未嘗汲汲仕
進四月伯兄傳瑚取進閩縣學生員九月仲姊適同
里陳嶠十一月亡室林氏歿

道光二十五年乙巳四十八歲

四月爲

傳

續娶周氏五月

傳

取進福州府學生

員十一月別

季父北上曰吾無意求顯宦今未五

十遽欲投閒無以謝戚好暫別四五年遲亦不過十
年便歸里聯牀荆花館 公淡泊之性若天賦也

道光二十六年丙午四十九歲

二月到京供職資俸爲編檢第一獨行特立義命自
安儉樸節用爲易退計與同鄉後輩聯課習楷看書
日有恆業夜則記日間所事以自考鏡充 文淵閣

校理 國史館提調提調總挈史館綱領請修臣工
畫一傳及各志與同館商定體例到館無間風雨寒
暑恭閱

列朝實錄

聖訓手輯其關法守政要沿革者恭閱天聰天命

實錄纂東華錄糾誤若干條慎重尙未付梓

列朝實錄尊藏日久裝潢剝落修訂年餘悉獲完好

十二月孫男 仁敬 生百日殤

道光二十七年丁未五十歲

五月

御試翰詹

宣宗成皇帝拔 公第一授侍講學士謝

恩召見蒙

諭汝年五十詩賦楷法猶能出眾實爲難得歎賞久之充

日講起居注官教習丁未科庶吉士是月

傅琛奉

母抵京九月蒙

派充丁未武會試副總裁湘鄉會文正爵相爲正總裁取中楊殿魁等六十四人 公以從此受

恩日深後有尺寸之柄恐無以上答

知遇益肆力經世之務以

聖訓

實錄參之二通會典窮流溯源間附論斷纂輯編次久值史館得專意探討時雖海內昇平而國用已虞

支絀故於國計尤所殫心彙度支出入爲總冊又借閱戶部額徵實徵案冊參附稽核以窮夫支絀之所由不事干謁亦門少剝啄聲卽寓中移竹蒔花書畫蕭寂遇心交過從脫粟蔬肴出所業就正務求精當至庚戌冬凡三年有餘孜孜不倦八月 庶母江孺人來歸

道光二十八年戊申五十一歲

二月四妹殤三月轉侍讀學士扈

蹕恭謁

西陵

道光二十九年己酉五十二歲

二月轉通政司副使三月孫男 仁堪 生五月長嫂翁

氏卒於家十一月五妹生通政司收各省題本例具
副本存署庫向不披閱 公方日勤纂述從而探討
與著作相印證塗乙再三抄錄數過脫稿尙未半也
秋月肝疾作痛眠食減損知交咸以伏案太滯爲勸
公方壹志凝神不能自止生平嗜地理學有班志
知今之作館選回里從陳恭甫先生 壽祺 借摹內府
地圖數月方畢常謂講求當世之務須明地利手繪
七省海口圖島嶼沙港雖小必載裝爲手卷以便省
覽留意河防借摹黃河圖數過講求畿輔水利於泉
源河淀瞭然心目以內府地圖拓爲大幅今惟山陝
四川三幅刻板存庫餘亦草稿畢具尙有三四省未
卒業

道光三十年庚戌五十三歲

正月

文宗顯皇帝登極以奉

宣宗成皇帝遺詔毋庸郊配升祔二條交廷臣集議

公與同官議以升祔當照前舉行其郊配一條

遺詔特爲嚴切不敢不遵內閣各衙門會議請仍升祔郊配 公不敢附和另議會通政司各堂銜上之奉

文宗顯皇帝御筆加圈深爲許可惟

聖孝不忍遽從將另議各摺發還二月奉

派己酉直省舉人覆試閱卷大臣

詔求直言 公疏請勤

聖學開言路省例案恤民隱而於重國計一條言尤
詳盡綜核歲入歲出及近年支絀之由瞭如指掌疏
留中五日乃下得

旨吏部會同各該衙門妥議具奏等因欽此 公留
心經世之務蘊蓄深厚至是始得暢其說而
文宗顯皇帝嚮用之意實基於此

登極恩詔京員四品以上廕一子入監讀書 公以
先伯父己蒙

馳誥 季父尙僚倒名場以從弟傳琨名咨部承廕
欲一家均受

君貺也奉

旨中外大臣保舉人才湘鄉會文正公官少宗伯專

摺薦 公得

旨預備召見擢詹事府詹事謝

恩召見仍充

日講起居注官又

派充文淵閣直閣事稽查右翼覺羅官學滿詹事文

甫先生 琦昌 在戶部二十餘年嫻於度支堂期晤語

多及國計謀國之誠未佐農官已不忘晷刻矣十二

月奉

命署理順天府府尹奏疏文移咸出手稿稟詳批劄

隨事判決案無留牘馭牧令以和易不涉苛細署事

三閱月交卸未旬日又奉

令派署

咸豐元年辛亥五十四歲

三月內務府以旗租不敷

內廷供應議撥存退地畝招新莊頭令佃戶增租以裕差項莊頭佃戶於順天府戶部以議租互控案懸三載至是內務府奏令勒限對地議租不遵則撤地交莊頭自種事在必行期限已逼而民隱無由上達

公以

內廷差項固不可緩而不准增租奪佃之令

歷朝遵守佃戶非欠租不致革退久恃無恐且地有肥磽原租沿交已久一旦拘泥奏案使畿輔農民無故失業殊非

朝廷勤恤民隱之意會兼尹總督銜申明奪佃增租

例禁具摺詳陳得

旨軍機大臣戶部內務府會同覈議具奏欽此竟寢其事五月蒙

恩擢授戶部左侍郎兼管三庫事務仍署府尹侍郎爲內閣學士副都御史升階詹事超擢蓋異數也時兵興頻年中外籌款維艱

上以公陳奏諳於國計故有是命府尹農司公事並劇甫明卽判京兆事接見牧令已刻赴部申刻回署理京兆案牘日以爲常若值赴

園奏事日昃方克到部京兆案牘待判盈尺炳燭夜闌從不積壓自茲從公執筆著作之未脫稿者不能不需異時尋膺外任益無暇晷矣八月

派充本科順天文鄉試監臨甫出闈直隸士子京官以籍貫事互控

旨交順天府府尹直隸總督查辦大宛爲冠蓋輻輳之地寄籍多於土著相沿已久未經聲明入籍者多一繩吏議卽應斥革 公奏言士子本身始行冒考

固應以冒籍論其有祖父未經入籍業已中式出仕子孫因而應考者既無入籍案據例不准父子異籍或無原籍可歸若皆錮其終身殊非立法本意會兼尹總督銜請令補行入籍或改歸原籍照例罰停一科請

旨飭下禮部秉公辦理並以監臨單銜具奏請勿許直隸京官限定員數出結及覆試後方准改籍私例

得

旨均交部議時京官勢眾以爲袒庇士子列之彈章
公弗避也朝房晤大宗伯濱洲杜文正公少宗伯
湘鄉曾文正公咸曰主持公道不可無人尋部議凡
未經呈明入籍者准其補行入籍並概令大宛籍貫
已仕人員補行入籍保全甚眾又奉議科場年不應
條陳場務照例交部察議寄籍士子有以詩章信函
頌揚者 公言某遇事惟求心安不以毀譽動念勿
重吾沽名之咎北黃河漫口外吏請由工員發給印
票買料以票抵納賦稅正供 公謂如是則工需漫
無限制而賦稅皆成廢紙奏罷其議九月爲伯兄傳
瑚續娶康氏十月孫男 仁 熟 生

派充本科順天武鄉試監臨又

派辰字圍校射在部查出江南三藩司登記歷年延未入撥各款共一千五十九案計銀九百二十六萬奏請予限清查以濟軍需奉

上諭戶部奏飭催江南省例應入撥各款請分別定限清查一摺江甯江蘇安徽各藩司延未造報自道光三年至本年八月止竟至一千五十九款銀至九百二十六萬餘兩之多豈容任意耽延致啓侵挪之漸著兩江總督江蘇安徽各巡撫嚴飭該藩司按照該部單開各款予限清查分款造報如再玩延卽著據實嚴參等因欽此 公謂理財之道不外開源節流開源有利而弊亦相因節流則取國家自有之財

而理之嚴勾稽慎出納幸而軍務早歲正供敷歲用
而有餘所慮者紀綱廢弛耳具摺言節財之疏有以
節制爲節者出納必求實在也有以節省爲節者度
支必戒虛糜也取國家自有之財而理之積久自收
成效凡節疏之款七嚴覈上下兩忙分別藩司功過
以專責成也各省存贖款項按年抵撥以免牽混拖
延也驛站銷餘銀兩提存司庫也嚴查州縣交代勿
任延宕成虧也甲米折色復放本色以節庫支也緞
疋庫現存物料有足支十年八年二三十年者一概
停運以戒虛糜也南方營馬未見得力亦有虛額請
裁馬改步以充軍實也議上奉

旨專諭各省遵辦十二月初六日偕秀峰方伯

聯英

奉

派山西查辦鹽務二十六日出京隨帶山東司司員
忠廉何國琛

咸豐二年壬子五十五歲

正月至太原會同巡撫松巖中丞兆那蘇圖查辦赴

河東詳求利弊二月回省具奏請永禁舉商革浮費
減銷價定池價禁廳攤杜陋規留商改票先課後鹽
歲裁浮費七十餘萬現商不至疲乏告退則舉商之
弊自除並請禁口外蒙鹽下駛侵灌及藩灘私曬等
弊釐定章程入告事竣回京至半壁店
行宮覆

命召對往返兩月有餘歸途奉到查辦鹽務摺奉

殊批戶部妥議具奏欽此嗣准部覆照議永遠遵行
到京仍署府尹初六日奉

旨兼署戶部右侍郎兼管錢法堂事務四月奉

派充新進士覆試閱卷大臣又奉

派充朝考閱卷大臣五月又奉

派充大考翰詹閱卷大臣在部又查出各省扣平項
下報部未解者六十餘萬未報部者百餘萬奏令該
省分限清釐報撥又特參江南三省災熟牽混奏令
力求整頓正供均奉

旨依議欽此八月奉

派充本科順天鄉試文闈監臨又奉

派充

實錄館副總裁九月奉

派充順天鄉試舉人覆試閱卷大臣又奉

派充本科順天鄉試武闈監臨十月又奉

派宿字圍校射時部庫空虛需餉繁浩松岑總憲

花

沙 謝 王子槐侍御

茂隆

陳請行鈔

旨交部議同官各持己見於鈔法非言之太易卽視之太難紛紛如聚訟 公謂鈔不易行若別有良策則不必行否則權宜通變勿病國勿病民熟慮而試行之就總憲侍御所陳條分縷晰作行鈔議數千言以質同官意主虛實相濟輓轡收放發鈔欲緊則不濫收鈔欲速則不滯行以漸守以信日見擴充不無小補若遽期遠效言之易而視之輕以自壅滯終成

廢紙戶部奏事常蒙

召對

上屢念鈔法害多利少 公卽所籌辦法以實奏十
一月孫男 仁東 生卸署順天府尹事前後權京北二
年有餘力求整頓交卸伊邇猶與道廳講求各屬捕
務及緝捕各章程又勸諭各屬修築城壕諄諄不倦
嘗言治官事不可存一暫字存暫字則苟且粗略之
弊生處家事不可不存一暫字存暫字則隨遇而安
之見定接見屬員暗爲評語並其地方案件分屬密
記見時面詢以驗勤惰禁差徭偏枯懲捕役參盜盜案
涉贓私者不爲假借參革懷柔平谷各令隨時甄別
於案關命盜者慎重親提將巨匪李四等案送部正

法近畿燒鍋之禁有名無實官吏藉口婪索商之農部令得領帖上稅以裕課便民又向例不准旗民交產違者地與價均入官無如民貪賤值暗相授受以預交租息立券所在多有既不交科租復不完公賦徒使蠹役地棍訛索有辭謂之黑地 公謂禁不能止不如勒限令其呈明稅契升科給照執業以衛正供疏上得

旨允行大司農王文端公履任 公己卯同年翰林前輩也同朝二十年蹤跡疎闊及同任戶部同心協力視國事如家事案牘紛繁文端公虛懷委 公司員仰大農意每先卽 公商略 公不敢引嫌知無不言謀無不盡口授手判悉盡事理或有未能卽決

退食猶精思審處參酌再三或筆

文文端公贈詩云讀書宜適用大

君晚才長是我師一心同報國雙

能贊還應副所能期徵召半天下

損幹之子有能各著論追先達持

利濟辛口苦感同昇平退食猶謀國君

勞力仰屋漫空歎蓋艱張侍御煒攸

難共濟心跡最親也

稅奉

旨交九卿會議由戶部主稿 公十

其議

咸豐三年癸丑五十六歲

上年豐工合龍愆期災民失所撰

飭下督撫妥為安插以堵口用餘
時有

旨令各省紳士辦理團練疏薦廖文恪公等十八人
上

聞奉

旨會同地方官督辦團練事宜等因欽此二月揚州
失守奏請

飭山東巡撫馳援淮安直隸調兵在交界扼要駐紮
訓練以爲京師屏蔽會戶部各堂銜入告四月蒙

派充新進士覆試閱卷大臣又蒙

派充庶吉士散館閱卷大臣又蒙

派充朝考閱卷大臣以各路兵勇數多虛浮莫可究
詰奏請

飭查存缺兵數隨時咨部以重餉需得

旨寄諭各路帶兵大臣迅速報部 公以鹽爲自然

之利生財之源議令楚西兩岸借運鄰鹽抽稅飭廣
東四川力裁浮費以期本輕銷暢又附片請照王文
成公立廠抽稅法凡川粵鄰鹽販楚抽稅十取一二
稅後給照放行任憑轉販又議令江西建昌五縣採
買閩鹽江西十府借販照鹽亦飭行立廠收稅法又
議令兩淮籌辦廠稅略言淮南口岸雖間有賊氛應
迅籌補救場產如故何至片引不行莫如設廠收稅
大抵淮綱之弊在課重而法繁課重則百端詭匿法
繁則人懷趨避今旣酌擬變通抽稅欲輕輕則漏稅
少而化私爲官立法欲簡簡則犯法少而化梟爲良
又奏令運司移駐通泰適中之地督同運判場員參

酌章程刪除浮費使竈丁成本有餘聽商民貿易交
一引之課准運一引之鹽毋得因循遲誤尋據議奏
章程七條均奉

旨依議行自後江廣川楚以鹽釐爲濟餉大宗其議
實 公在戶部時倡之江廣屢議折漕顧改徵而浮
收難禁則病民折色而銀貴則病官惟豐工未堵漕
艘被焚勢不能不折色 公議令收漕或米或錢完
納悉安其舊不許牧令以折漕更改民戶向章該州
縣以留支正雜之銀起解而以收錢米抵放銀款官
民兩便流弊自除奉

旨依議欽此七月得家書伯兄傳瑚歿命孫男 仁熱
繼嗣 仁熱 性剛而慧夙得歡心故擇立焉寄書 季

父商以從兄傳璋次子迪臣並嗣伯兄後時髮逆擾

江北由鄂而皖而豫竄山西平陽復竄天津獨流等

處京師戒嚴立糧臺設巡防處需餉急於星火雖痛

子情深不遑請假焦勞彌甚九月十三五更趨

朝冒霧氣在直廬大吐大汗幾至悶絕僕從扶掖出

東華門回寓憊甚次日仍入署辦事言多氣促復大

汗暈眩顧賊勢方張公力疾先勞爲司員表率不

敢言病山西巡撫哈公芬奏稱商力竭蹶復請舉商

公力主前奏謂禁舉商爲留商改票第一關鍵復

僉商則廳攤浮費難除駁令該撫持以定力勿任現

商藉口貧乏誤課圖招殷戶阻撓新章奉

旨依議欽此行令該撫遵辦尋又奏稱得人則弊自

去巡撫毫無沾染屬員何敢滋弊舉商如有私費甘
當重咎等語仍執前奏請換乏商而於督運籌銷緝
私裕課事宜概未籌及 公恐官吏綱總素以舉商
爲魚肉中丞未熟情形受人慫恿商之大農附片請
派大員查辦得

旨派恆侍郎

春朱侍郎

鳳標

往查尋哈中丞以軍務

望誤

簡恆侍郎爲巡撫其議始息十月奏請裁併河漕冗
缺以節糜費略言河工當豐豫時多設員弁寬估經
費原以保衛民生今河患頻仍帑項難繼河員耗國
甚矣漕運人浮於事層層剝削因以耗國稽之成案
參以時宜應請裁東河總督令兩巡撫各司本省河

防稽查既易呼應亦靈河庫道收放錢糧別無職掌
應裁歸淮揚徐道兼管或分管並將兩河廳員佐貳
盡行裁撤責成河營備弁經理修守事宜以後工用
南河歲撥不得過百萬東河不得過七八十萬候補
各員嚴覈改補裁漕督缺令南河總督兼理過淮僱
運事宜兌運事宜歸該省督撫糧道分任弁幫候補
亦嚴加甄別列爲條款單銜入奏奉

硃批惠親王軍機大臣大學士會同戶部妥議具奏
欽此尋會議裁河庫道一缺餘如故 公在部二年
有餘查出江南三藩司登記及扣平未解未報各款
千有餘萬其餘隨事勾稽撙節日計不足歲計有餘
者更難臚舉倘軍務早戢財賦之區不遭兵燹需以

歲月振其紀綱所謂理國家自有之財積久自收成
效者其說不果驗耶適值粵寇猖獗東南論陷豐工
堵口虛擲數百萬淮南片引不行又歲絀數百萬各
處關稅地丁亦因寇警短絀節者涓埃費已千萬於
是廣捐例勸助餉試開礦鑄大錢行鈔法提帑本變
穀價發空白執照發稅契契尾史巫紛若非昔時司
農之專事勾稽者比矣每行一政必專派司員先議
首以民間休戚審定利弊可否一切不得已之政非
公本心所願行而不能不資周轉者未嘗固執己
見亦未嘗與眾浮沈心血耗損肝氣時發發則痛不
能寐食不盈匙未明趨

朝飲水半甌廢寢忘餐備極勞瘁適戶部奏事

上見 公有病容

問怯寒否以旬日飲食減少對

問何不請假稍歇奏云此時

皇上宵旰憂勤臣行走如常不敢請假

上爲動容值

賞大臣人參 公獲與焉與同官論會計宜分不宜
合部中利於分分則界限清而有條不紊外吏利於
合合則牽混易而挪後掩前又言部務千頭萬緒方
寸地安能容納無遺所賴羣策羣力集思廣益本有
未是不敢惜吾齒牙吾有未是不敢不藉人商權任
天下事必先忘一己之私至才力不及識慮未周開
心見誠愛憎毀譽聽之而已自書懲忿去矜二字分

懸座右集明理可以治懼止謗莫如自修二語爲楹
帖夢中得句一枕鷄聲天下事半床蟲簡古人心乞
何子貞先生紹恭書爲楹對誨不孝曰定生慧事或
全集須耐性靜坐使心地光明分緩急自有條理常
述先儒格言勤慎和緩緩字最可味一涉躁急便多
舛錯 公雖從公鞅掌稍暇卽展卷復克己省心勇
於自給所涵養者素也司業崇福請借徵山陝四川
明年地丁得

旨大臣會議以賊逼天津餉源竭蹶若督撫得人因
地變通庶無意外之虞十一月初一日奉

命簡放陝西巡撫連日

召對十二日出京借徵之令諫止者多都人士動色

相戒 公入潼關聞省垣已頒借徵贍黃 公謂此事重大豈容草草頒發馳書阻之十二月十五日到任具摺略言 臣到任已臘半卽尅期開徵亦必新年輸納更須地別肥磽戶分高下不過得歲額十之四五已時屆應徵而仍冒借徵之日莫若將新賦提早正月開徵四月解齊總期完至八九分設法董勸以免驚疑較之借徵更有把握又附片密陳奉

旨咸豐五年分錢糧於本年秋後接徵此時若明張文告恐春徵先存觀望擬將贍黃緩貼容 臣體察商辦奏入奉到

硃批依議妥辦欽此附片奉
硃批甚是欽此

咸豐四年甲寅五十七歲

二月奉廷寄

上諭武漢賊蹤劇疾嚴防商維潼關與楚省聯絡應援毋任闖入等因欽此又奉廷寄

上諭逆匪竄河南永城令提督桂明帶潼關防兵千五百名迎剿著將軍舒綸保接辦潼關防堵其商維防堵亦關緊要著認真嚴防熟籌妥辦等因欽此
公與將軍會銜請禁河船下駛防賊搶渡仍飭關津盤查奸細三月十七十八日連接廷寄奉

上諭據勝保奏請於汴梁添駐重兵令舒綸保分兵赴豫策應等因欽此又奉

上諭桂良奏賊由蘭儀渡河北犯著舒綸保帶兵赴

豫於河岸擇要駐紮商雜防堵著王慶雲妥籌辦理
等因欽此 公請調延綏鎮豐紳接辦潼商防務並
調陝甘兵二千名赴關堵禦自赴潼關與豐紳會籌
佈置由驛覆奏奉

硃批所擬俱是等因欽此得家書聞 季父師竹公
訃 季父畢生以家計况瘁上年奉

命撫陝馳書屬來任所團聚藉息勞動書到而 季
父已得沈疴正月不起 公設位哭奠不勝哀悼四
月出省至潼關察要隘閱鄉團布置防堵與署將軍
扎拉芬署提督豐紳親履潼關函谷會勘形勢具摺
略言潼關負山面河夙稱天險風陵渡金隄關與關
城犄角當撥兵設礮更於城東盤豆鎮駐兵齊團以

壯聲威並議令潼商防兵互相策應等語由驛覆奏奉

硃批覽奏均悉布置一切俱是惟有時加察看酌度緩急勿致顧此失彼欽此復莅勘商雒隘口時陳公

景亮觀察糧儲籌防商雒 公具摺略言雒南東北

百二十里之盧靈關居盧氏靈寶之交西入商雒北走潼關皆有間道現已駐兵防守商南縣南接楚疆東通豫境防務最爲喫緊縣南要隘曰梳洗樓曰新廟其總口在青山縣東要隘曰界牌曰黑漆河其總口在富水關擬於青山富水關結兩營盤界外聞警卽報大營一營拔隊迎接一營繼進策應其餘次要隘口十餘處募勇駐守聯兵勇民團爲一體毋使匪

徒闌入由驛覆奏奉

殊批所奏布置各情形知道了欽此五月回省抵武

關途次接襄陽道羅公遵殿稟襄樊駐兵萬餘需餉

一籌莫展請由陝撥餉解襄撐持大局 公與同官

議襄樊與陝唇齒襄樊安則宛鄧商維俱安不敢稍

分畛域奏令藩司籌銀一萬兩解應急需力顧大局

又請飭山西四川協濟襄防賴以鞏固九年秋月先公道經樊

城官紳咸謂襄樊軍火餉需前 公以各路糧臺有

銀錢而無糧草征兵不支粟米月給鹽菜口糧銀四

兩五錢令就地買食較每月支鹽菜九錢昔餉一萬

今增四五萬兩行營所至買食價昂兵丁領口分百

錢不敵二三十錢之用皆自不支粟米始以各省無

從設措之銀供各路不可限量之餉仰食數千里外
戚戚憂貧萬一餉匱立形渙散請

飭部行令各路糧臺仿照舊例銀糧兼支或動款採
買或就地捐輸或碾動倉穀或鄰省協濟兵食足斯
兵心固兵心固斯兵氣揚則餉無虛糜人皆自奮具
摺奏奉

硃批所奏甚是足見謀國之誠其有未備及各就各
省簡便之處著軍機大臣會同戶部議奏欽此尋准
部議令兩湖江安等省征存未運漕糧均准動用並
請碾動倉穀由帶兵大臣督撫妥辦欽奉
俞旨遵行七月奉廷寄

上諭據英桂奏襄樊緊接南陽爲川陝要隘請量移

防兵等語著王慶雲傳旨令豐紳移兵襄陽扼截等因欽此遵卽飛咨豐紳帶兵一千九百餘名由紫荆關水路赴襄八月又遵

旨添調兵六百名交豐紳統帶奏調西甯甘州兵各五百名又續派備調甘肅兵一千名來陝操防由驛具奏奉寄

諭陝甘總督撥兵備調計到任半載潼關防兵經提督桂明帶赴山東兵二千七百名將軍舒綸保帶赴歸德兵二千二百餘名署提督豐紳帶赴襄陽兵二千六百餘名合之數逾七千隨帶軍火器械接濟三處營餉及楚皖各餉復節次調補潼商防兵不令空虛羽檄紛馳恆中宵起判施行方伯司徒公照己丑

同年 公與事事熟商凡部議行銀票鑄大錢及兵
餉用錢諸政次第遵行樽節本省支款以應各路撥
解撥款紛繁庫藏不繼五月奏請勸諭殷戶捐輸訪
得西同鳳三屬上戶四十餘家榜示通衢委官紳勸
諭竭力急公其榜示無名之家以前業已捐輸一概
邀免以杜影射 公謂國家不得不借資民力貲有
多寡力有厚薄捐鉅萬與捐千百喫力相等當酌捐
戶力量所及涓滴歸公無妨生計與其須百十家而
集腋何如出一二戶之指困不及半年書捐七十餘
萬稍濟軍儲渭南郭創法一案釁起糾鬪讎家誣以
謀叛喜事者思羅織以冒勞績 公提審平反全活
甚眾九月會侍郎 國藩 偕提督塔公 齊市 先後克復

武漢黃州水陸各軍分三路東下進剿潯皖直擄金陵奉廷寄

上諭籌款解赴會營 公以此項餉需尤關全局與方伯商移緩就急停支本省兵餉等款先行解往備用十月襄河武漢肅清商南撤防仍將各鄉已辦之三十七團獎勵聯絡日久奉行將軍扎拉芬仍駐潼關留滿漢兵千二百餘名奏奉

硃批所奏甚是知道了欽此自正月莅任湖北賊蹤上竄籌防潼商兢兢告誡者十閱月至是防務稍鬆秦地完善官無虧空兵差絡繹孔道州縣不免挪墊供差札令截清年月咨報嚴交代以杜虧挪民俗樸愿惟刀匪逞兇訛詐爲害地方湘陰李文恭公星沅

撫秦用石墩鎖繫以懲頑梗顧未達部 公奏請飭屬訪拿除實犯死罪及外遣爲奴照例定擬外凡刀匪有犯軍罪者於本罪加一等定擬罪應擬徒者無庸解配練繫巨石五年擬杖者練繫三年務期消磨頑梗之氣奉

硃批刑部議奏欽此尋准部覆照議行各屬倉糧按年春借秋還出陳易新本屬便民之政顧吏胥緣以爲奸往往輕出重入派之里甲中飽侵漁 公既奏將四年上下忙提早並征奏停本年倉糧出易又奏定以後間年出易不得逾存七出三之數以紓民力河東商人公捐二百萬兩由前中丞恆春公奏免充商改陝引爲官運官銷而運遠銷滯諸多棘手 公

以身爲表率若先畏難屬吏益多瞻顧定按季截銷各加考成奏明先鹽後課由河東陝西籌借運本總運散銷乃鹽到口岸各屬憚於領運運到引地民間不樂銷售自潞網不振商店買私充官已非一日關中例食之鹽凡六七種潞產特陝鹽之一課款運本成本既重緝私尤難州縣慮及賠課或已按里按糧攤鹽攤課公以爲與其私自科派不若改復乾隆時課歸地丁難徵成案奏奉部覆自五年爲始每糧一兩攤徵鹽課九分九釐二毫共攤徵十二萬一千餘兩十二月奉部文蒙

恩調補山西巡撫復奉廷寄

上諭著卽馳赴新任隨於二十一日交卸赴晉公

撫秦恰滿一年馭吏平恕不矜明察前後參劾收稅
不解之商州知州不洽輿情之白水知縣虧空銀穀
之懷遠知縣挪欠捐款之渭南知縣竇鷄知縣失察
書役得贓釀命之澄城知縣交部處分無稍姑息懲
辦藉團滋事之生員皮元吉違令糾眾之兵丁張得
魁等盤獲奸細文維隆翁占魁王毓高等三案審實
梟示以遏亂萌公牘之暇就各屬所呈圖志詳覽批
發或就其地勢險要地方肥磽衝僻或借其前賢循
績激勸納牖以公牘爲箴規讀者感動整頓各屬書
院杜乾脩陋習甄別關中書院手爲批閱優給獎賞
又以鄰疆不靖留意武備標下兵勇專員訓練月閱
一次賞罰以示激厲挑拔糧缺署補備弁於考驗時

當眾諭放以示至公尋常文移自收文至辦發限七日按月核銷毋許積壓其急逼文移收發恆不過一日尤留意團練保獎辦有成效之華陰縣知縣倪印垣商南縣知縣李祝齡保留潼關同知孫怡蒲城縣知縣曹熙華州知州陳煦以資熟手至於絕餽遺裁陋規杜請託未嘗以私徇人人亦無敢干以私則官民僚屬所共信未易一二數也

咸豐五年乙卯五十八歲

正月初九日抵太原接任具摺謝恩奉

硃批知道了汝抵任後一切吏治營伍自應妥協整頓惟當務之急京師及各路軍營餉項最關緊要若

能源源接濟庶不負朕之委任也欽此自東南用兵中外餉需惟山陝是賴上年潞商公捐三百萬免其充商富室得釋重負而引地網維未立牧令招駁營運倚勢以惡鹽售昂價而捕私販之鹽淨價廉者民情弗便甚至毀店搶鹽毆辱官吏數月之間效尤並起客臘陽城刁民趙連城糾眾滋鬧鹽糧長給沁水壺關亦有刁民滋事 公履任即將沁水知縣陽城知縣撤任查辦委該管知府彈壓究治道經河東沿途採訪潞鹽利病並與都轉黃公經熟籌辦法面商函商往返月餘商定陝省歲額應銷一千三百三十餘名今課歸地丁不必專食潞產患在鹽多晉省官運招駁出貨以母權子患在價貴今按課派鹽派與

陝省九百餘名借給運本運赴陝岸銷售將陝省已
攤課餘鹽三百餘名勻銷晉省以輕成本路澤各屬
運遠價昂通飭就地遠近公平定價並許各屬暢滯
通融令絀銷州縣代代銷州縣完納銷價以爲懲勸
河南銷路尙暢試行民運以廣招徠臚陳章程十四
條入奏奉

硃批戶部議奏單併發欽此尋准部議照覆施行緣
陝引課歸地丁運鹽不應輸課以無課之鹽行有課
之地當杜回漕晉改官運商賒倚勢擡價刁民以之
滋鬧定價以杜爭端此 公下車所籌鹽務之權輿
也前任中丞請發票借費設法籌餉票自一兩至十
兩期自六年至八年用藩司印向民間借捐到限抵

納丁銀條款已具候部覆施行 公謂爲數零星鳩
萬金須借千餘戶地方官不能親手經理鄉間亦安
得許多公正紳耆辦理殊無把握令且緩行某同知
先主是議屢以爲請 公謂不得已而勸捐仍須責
之大戶難均而眾寡異有濟與無濟異生事與不生
事異取諸窮簷雖絲粟猶不可損大戶坐擁厚貲百
取一二以分公家之急仍無妨生計三月奏請會同
在籍紳士先卽太汾二府勸導捐輸不准瑣細苛求
以符政體勸辦一年太汾共捐輸五十五萬兩委員
仍請續勸 公謂民力已殫奏明出示截止並飭司
將太汾捐戶銀數姓名分屬榜書交教官挂示公所
俾共見共聞以杜侵匿另行委辦蒲解各屬捐勸陽

城趨連城聚眾盤踞抗不到案張貼究單稱縣令科
斂殃民聲言花戶如先納糧卽拆屋搶掠致邑民畏
兇莫敢完納 公委冀甯道瑞昌公會營查拏聲明
如須加以兵力當斟酌妥善辦理奉

殊批固應如是不可激之使起等因欽此 公面諭
署令到任後勸諭解散密札該管知府陳蘭第潞安
知府張思鏜言頑民無知勿操之過蹙使成固結復
親筆再爲示諭開導委員入村張貼冀其悔悟詎趙
連城傳單斂錢聚眾抗糧派人把守關禁戕害勇役
殺傷行旅攔阻公文紳士徐公繼畚在潞安團練因
恐固結日久變生意外書札往來屢以醜辭芒刃爲
喻陳張兩守亦稟請調兵 公初意不欲用兵至是

察刁民羽黨擁眾怙終營縣兵役莫可如何隨調兵會札陽城城鄉要隘密速圍捕調太原鎮標兵八百名紮垣曲沁水以防竄逸奏奉廷寄

上諭王慶雲奏山西陽城匪徒趙連城聚眾滋鬧經該撫出示曉諭許其出首乃該處刁民仍復懷疑負固自應酌調官兵圍捕倘該匪畏罪輸誠著將首要犯從重懲辦其餘無知愚民仍著設法解散等因欽此又於請調太原鎮總兵瑞格親赴陽城會辦摺內奉

硃批覽奏已悉著傳諭該鎮迅速妥爲辦理勿令勾結蔓延等因欽此七月初四日瑞觀察帶兵奪獲黃龍廟要隘首要各犯逃逸入村搜捕擒獲趙連城李

聚泰等六十二名 公卽單內點要犯十二名提省
餘令就地訊結奏奉

上諭王慶雲奏拏獲陽城滋事首要各犯一摺山西
陽城匪徒糾眾抗拒形同叛逆經該撫派委鎮道帶
兵將首犯趙連城要犯李聚泰等解省審辦著卽按
律治罪以昭炯戒其鄉愚被脅一經曉諭卽悔罪解
散者概予省釋未獲從犯李振河王法囤等仍飭嚴
密查拏毋任漏網以靖地方等因欽此據報李振河
畏罪自縊王法囤就獲解省與趙連城等審明梟示
先是刁民挾制之風匪伊朝夕因地方官平日徇沓
於書差之歛怨民之不堪毫無檢點一旦有事惟恐
上憲責以辦理不善因而屈意忍恥無所不受釀成

刁悍上年如浮山棍徒李進琨等案率調停乞恩杖枷結案水懦民狎動輒傳單聚眾抗拒雖止數村風氣關乎全省 公既開導再三勢窮理極然後威克以挽頽風將鹽糧公平定價勸碑以善其後論者謂此一役可保潞津十年無事本年奉

上諭派閱山西營伍四月操閱滿漢省標以辦文武二闡將兩鎮閱伍奏展來春戶部議行鐵錢飭山西運鐵千二百萬斤 公飭平定澤州招商核實分辦勿許浮價令澤州水運達津以省運脚五月奏將被賊擾害之絳縣曲沃被水被雹之永和潞城被雹被水並被賊擾之洪洞等縣村莊分別蠲緩以紓民困均奉

俞旨八月入闈監臨乙卯科山西鄉試首府獄局人
證羈押拖累 公令將訟案立檔隨到隨登隨結隨
銷冊立四柱首府總其成既免積壓亦以驗聽訟之
才 公閱六月分清摺僅結鬪毆一起錢債一起批
司申飭嘗言因循迴護中於人心牢不可破向來大
吏抵任非不雷厲風行久則習與俱化必持之以恆
使所屬知非意氣用事然後令出惟行與廉訪言閱
押禁人數時爲惻然案至上控京控固有藉詞拖訟
者而冤抑必居大半不申理之而羈滯之上干天和
下戕民命不訟而冤莫白訟則拖累難堪弱者覆盆
强者結恨民情堙鬱致有抗官巨案善爲川者決之
使道地方官於訟案持平速結警頑惡以安善良破

奸蠹而宣堙鬱地方未有不安靜者又因旱手絨諄
 囑道府飭屬省釋羈滯留意積案查明稟覆平遙連
 劫參案報於山東獲犯劉磚劉意解省訊無確供讞
 局請監候待質 公親提訊出刑求情形謂既非正
 盜安知非良民淹禁勢亦瘐死令解回山東說明釋
 放以咸豐二年賊入垣曲陷平陽殉難官紳士庶舉
 報不無缺漏通飭被擾各屬採訪詳報奏請將平陽
 知府何維墀臨汾知縣周陽春建祠並由沃紳民蘇
 廷直等千八百四十八名口分別議卹汾州府通判
 向駐郡垣無職任 公以吉蘭泰花馬池鹽由黃河
 下駛浸灌沿河引地奏將通判移駐臨縣之積口鎮
 查禁蒙鹽奏結襄陵縣匪徒張永康席汝瀧等一案

張永康席汝瀧照光棍例斬梟餘犯分別絞候爲奴
又奏結沁水縣匪徒張五娃等六犯發新疆爲奴餘
犯分別軍徒聲明晉民素稱畏法近年動輒聚眾鬧
堂挾制逞兇若不認真懲創久將無所不爲現在恭
逢

恩詔張五娃等毋庸查辦減等以後晉省凡遇聚眾
滋事之案請照此辦理俟刁風寢熄再行酌辦又奏
結壺關王抓穀牛滿動一案擬以新疆爲奴不准查
辦減等 公存心慈惠而不能不出火烈者辟以止
辟不得已之苦心也十月閱武闡鄉試取中陳振魁
等五十七名奏撤潞澤防兵以節糜費十一月奏省
垣添練精兵一千名酌定馬兵二百名步兵八百名

添設千把外委統歸中軍督操抵任一載先後奏參
歸綏道稅務苛細激成眾怒拆毀稅廳請革職查辦
又奏趙城知縣不洽輿情年力尙強送部引見又奏
參令倅不守官箴請

旨將沁源縣知縣清水河通判革職奉

旨知縣革職勒追通判先行革職究辦等因欽此又
先後奏撤解州知州平遙知縣人地未宜留省另補
均奉

旨依議欽此夏縣知縣挪用捐款請交部議處奉
旨議處不足蔽辜卽行革職欽此祁縣知縣濫刑斃
命奏奉

上諭革職提訊等因欽此歲除日 公猶檢寶晉局

鼓鑄舊案熟計今日鑄本太重思次年奏明停爐
公於案牘無間寒暑雖歲節亦照常判閱也

咸豐六年丙辰五十九歲

正月保奏陽捕匪案內出力人員冀甯道瑞昌公以
下加銜賞翎有差河曲甯鄉委令刑件代驗生傷見
於公牘 公以刑件役賤人微易滋弊端請

旨飭部議定處分以重人命尋准部覆通行各省三
月出巡汾州平陽運城蒲州澤州潞安各屬閱兵行
轅供億誠務樸省輕騎減從按程而行到行館延見
文武使之盡言面加訓勵四月旋省奏巡閱各營獎
拔及分別降革並予限再考奉

硃批知道了欽此 公於升調署拔營將令吏備牌

親筆署名懸示然後札委拔糧挑缺當堂諭放考驗
月定兩期使吏胥無從影射銅礮礮車製自甘肅
公照鑄六七十斤小銅礮八十尊三百斤至五六百
斤大銅礮二十五尊製車架運演放打靶共用工料
八千兩零奏明率屬捐廉免其報銷標下精兵一千
專員教習日日操練將銅礮礮車擡槍擡礮列陣演
放彈堅靈動聲勢雄壯打靶有準較老陣適用世職
營員死綏之裔時加差委俾資練習不許營員黨援
歧視晉省錢糧年清年款通年虧空漸形交代未結
者至百四十餘案擇尤先後撤參各牧令交款未清
分別革職摘頂勒交聲明國家不得已辦理捐輸藉
民力以充軍餉地方官倘敢侵挪更爲情法所不容

由臣督飭司道府州如查有侵欺捐款情事從重定擬等語 公於捐輸不輕擾民業已報捐卽以濟餉尤惡侵挪捐款之員與方伯論州縣交代遷延玩視功令上司非樂瞻徇也慮參後虧款難追州縣遂以之有恃無恐國家歲入四千萬以外出祇三千五六百萬歲常有餘何以軍興數年中外空匱至此蓋非財貨不足之患而紀綱不立之患今欲挽回全局條例具在申明而堅守之以歷任之多少爲查參之先後漸次清理一則正署任均須結算二則新舊任不許積壓勿掩覆勿因循一徇干請枝節更多以晉俗尙厚葬間納金寶婦女尤尙致有誨盜之事手撰說帖曉譬使知抑情從禮刊爲公啓以挽回風氣撫陝

時因官運窒礙將陝課改歸地丁未卽布置盡善旋卽交卸心懸小民多此完納究爲新加之賦潞鹽運赴口岸本輕值賤牟利之徒囤積居奇小民仍難食賤鹽華陰倪令稟商情形 公批令恤小販禁囤積致書當事設法調劑陝撫吳公振械奏課歸地丁諸形窒礙請變通辦理奉

上諭著王慶雲悉心參酌籌畫咨行吳振械妥辦等因欽此遂商之都轉黃公經仿照會興章程課仍歸鹽官民并運擇地立局稽查掣驗不分引地隨處散銷札行陝西藩司鹽道河東道會議尋議定章程陝引一千三百三十餘名每斤納課四釐共應封正雜課並銷價公費十六萬八千餘兩照豫引官民並運

設局夾馬口下馬口委員盤驗過河再設局三河口
截角繳銷以杜重運夾帶截角後任其轉販散銷運
無定人自不能擡價銷無定地亦無可居奇如布帛
穀粟隨時長落陝省州縣毋庸開送督銷完欠職名
所有考成均屬河東道專責會陝撫銜奏奉

硃批戶部議奏欽此發摺後致吳中丞書云聞貴省
出示六年地丁免攤鹽課如哇出胸中痞塊蓋 公
念念民生不以身已去陝於民所未便稍忘修改也
尋准部覆照議遵行又密奏請留吳都轉久任又奏
請嚴禁需索奉

上諭著英桂嚴飭河陝汝道及各屬不准需索留難
等因欽此時豫省官吏已萌陋習故奏飭禁止也五

月奏結長治匪徒張毓齡等聚眾一案除首惡罪應
斬決之王振師糾眾濟惡罪應絞候之張毓齡任娃
則先後病故無庸議外將李翰書從重發新疆種地
當差餘犯杖疏枷責聲明事犯雖在

恩詔以前情節較重不准援免將長治知縣降爲府
經縣丞奏奉

硃批刑部議奏欽此尋准部覆照議辦理又奏以趙
城知縣甫到任卽請出易倉糧拂民情而信吏胥撤
任留省學習平遙知縣捕務未能得力撤省另補沁
州霍州二牧天鎮知縣年力就衰均勒令休致甯鄉
知縣人欠老練留省察看陵川知縣沁水知縣上忙
情徵摘去頂戴河津知縣被揭捐多解少提省查辦

隨時參劾整頓均奏奉

俞旨 公以

聖諭廣訓直解一書融會廣訓微言大義衍爲通俗之言使人易曉教以遷善改過有裨風俗飭司刷印定宣講之期宣講之地宣講之儀頒行各屬七月得江南督撫書言大江南北旱蝗稼槁河涸秋成無望食物倍價 公慮軍務正殷糧臺無擔石之儲解銀供餉勢成積重莫若因銀之缺以錢米徐爲轉移雖採買不易而官倉可籌雖銅鉛亦少而完納可收先固軍心徐圖翦滅具摺略言用兵以糧爲先各路官兵皆給銀易錢買米果使歲可常豐何便如之 臣接軍書知時事孔棘有不能已於言者山陝歲入祇有

此數正供不足佐以捐輸偶爾爲之亦非久計大兵之後必有荒年臣雖未履行間心已懸焉如擣竊計江皖諸軍當此錢荒穀貴往時得銀可飽此後得銀亦不可飽况銀且不可常繼惟有徐與轉移擇水路可通之處動倉儲濟軍食解餉銀兼運制錢亦代匱之一端不得已之下策也奏奉

硃批軍機大臣會同戶部妥速議奏欽此尋部議覆奏請

飭下兩江督撫並附近各省碾動倉穀運送糧臺至該撫所稱兼運制錢查各路軍營每按制錢二串折銀一兩前經戶部奏令遵行現當餉銀支絀各路糧臺自應實力奉行請併

飭下辦理軍務督撫加卯鑄錢凡解餉由水運可通者解錢數成以濟銀之不足等語奉

硃批依議速行欽此八月出省閱大同鎮屬忻代朔甯殺虎口營伍并補行軍政回省覆奏閱伍情形年壯技優者記名獎拔年衰技庸者分別斥革及勒限學習每閱一營面斥將備先以公廉爲主兵心悅服乃能約束嚴明奉

硃批知道了欽此 公謂晉省營制沿自國初沿邊三堡半因勝國舊觀其時三關控制重在北方南鎮兵額僅半北鎮邇來南鎮汛地與中州接壤兵力見單須隨時修改必標兵多汛兵少庶便操演而歸實用殺虎口外六廳蒙民回漢番僧雜厠地廣人處爲

各廳諄諄告誡 公到任後時以交代爲同官提撕至是奉吏部文勒限半年因奏請設局委員清理查交代遲延實因動墊兵差積壓者仰懇

聖恩凡六年九月以前造報者以奉文之日起限十月以後到任者按例扣限奏奉

硃批該部議奏欽此尋奉部議寬免從前逾限處分公諭交代局委員除離省事故各任二十案批司咨部提開另辦飭府州督算外將各案別難易爲四等難結者限四個月次難三個月易結者二個月已出總結者一個月結報復手訂冊分屬抄撮隨時分註省覽是月奉廷寄

上諭嚴查保甲著各督撫一體遵行等因欽此 公

商同兩司參成法酌時宜刊刻章程通頒州縣詳慎
經理不用民間一錢鄉保甲長務擇公正民間隨時
公舉州縣編查成效酌量請獎不實者分別撤參將
章程覆部備查並家喻戶曉廣頒刻本奏奉

硃批覽奏已悉惟在行之以久隨加查察勿致擾累
不可以一經覆奏爲了事也欽此 公因奉

諭實行保甲奏請勸修堡寨以輔保甲防患無形略

言 臣奉

命閱伍徧歷所屬竊見晉省有可因之利寓堅壁清
野於無形者現成之堡寨也前明三關烽火達於太
原郡縣築堡自衛有一縣十餘堡數十堡者今惟雲
中代朔堡寨相連分防列汛南則繕完者少殘缺者

多臣近飭屬力行保甲擬刊告諭勸民修整立社規責成紳耆之董率設義塾化導少壯之游惰小村附入大村大里帶管小里零星資糧寄頓堡寨無事則散處有事則聚居擬嗣後有修建堡寨工大出資多者請獎職銜次者由省獎勵再次者州縣區旌州縣能勸修多處者乞

恩獎敘庶幾衛民有素禦侮無形奏奉

硃批著照所議辦理欽此與同官論保甲之虛應故事由於官民隔閡昔之二老嗇夫今爲賤役必也優以禮貌收爲指臂專以責成官董之而無數擾民由之而不自知是在良有司之通變至堡寨有限於地勢屈於財力者於村落出入之路磊牆安柵防閑外

匪聯絡一氣則眾志成城矣 公每屆冬操閱槍礮打靶命中一一吹等又合操速戰陳八卦陣演戚南塘五行鴛鴦陣以習號令鴛鴦分合靈變長短互用析之數十人自成一隊與合操美觀者異又以新鑄銅礮礮車與噴筒火箭列隊更進與營將論刀矛弓箭藤牌美觀而乏實際須兼習火器必火器有一藝之長方入伍籍務使一兵得一兵之用方爲起色十一月鄧州失守河陝汝道函約黃都轉河東兵守陝州都轉稟商防務亦以劃河自守爲非計 公謂晉守函關助豫防剿賊若由荆紫關入秦鞭長莫及晉與秦爲休戚甚於豫不如劃地守險爲善策也奏以汾州參將保衡與蒲州副將烏林泰互署又以蒲州

衝要知府同知未諳防務與大同知府通判對調貽書保衡督率勤操以托克托城歸化城薩拉齊被水請查辦蠲緩奉

恩旨著照所請等因欽此十二月舉行大計甄別卓薦有差冀甯道瑞昌太原府保齡甯武令會文炯曲沃令應學埜鳳臺令劉端平陸令余懷堂介休令沈鍾永濟令朱煥大同吳承會神池岳玉溪等十員合計全年地丁錢糧至年底止已完九分二釐以上僅未完七釐零專摺奏年終密考正月奉到

硃批覽密奏殊見覈實單留中欽此 公於此等摺件尤務以實不謂

天高聽卑鑒及幽獨也

咸豐七年丁巳六十歲

元旦書日記云余今年六十老者俗情所惡君子則有喜有懼喜者身得康強事多閑歷何暇以日月逾邁爲憂懼者任大責重將知耄及宜自勉自問精神不用則昏此當勉者勉之而不能則當致其決而已凡事可以姑待惟進退之際不然正月奏請飭議賣空買空罪名一摺奉

旨該部妥議具奏欽此與兩司商將各州縣錢糧劃爲分數三年比較起色者賞減色者罰完解攤捐亦計分數懲勸嗣查平陽被兵後六年分錢糧較四五兩年起色請將平陽屬守令獎敘因河南旱饑具摺請

飭亟發官倉速籌散賑俾饑民不至爲土匪勾脅奉
硃批另有旨欽此三月探聞河南土匪勾結饑民搶
掠距晉較近奏請密籌布置東路以潞澤參將爲總
巡澤州都司副之西路以蒲州協副將爲總巡運城
都司副之平垣遊擊駐茅津渡爲中路北巡風門口
南巡會興鎮聲勢聯絡以備不虞太原鎮標統爲三
路接應節節移遠就近以免糜費稽延如須徵調出
境一面調發一面奏

聞奉

硃批均照所請惟須慎益加慎不准稍涉張皇欽此
又以太原鎮標兵太單請派大同兵換回在豫官兵
歸伍巡守旣無糜費又習地利奉

寄諭河南巡撫將在豫太原鎮兵五百名飭原帶管帶回晉嗣准豫撫咨遵

旨撤回毋庸派兵換防撥河保營殺虎協兵駐平陽訓練以備緩急抽派由豫歸伍兵二百名駐茅津渡歸平垣營訓練又札北鎮備調兵二千勤操待用又抽調南鎮兵七百名加操聽調各路催餉公牘私函至無虛日賴河東課入充裕佐藩庫之不及竭力籌撥已非一載四五月連接胡文忠公牘私札楚軍勁旅東下需餉並屢奉廷寄竭力設法奏請勸平絳解捐輸將

諭旨刊爲謄黃使民知勸捐有成數先儘解楚軍月餉奉

上諭戶部核議具奏欽此書捐三十餘萬陸續解楚
上年八月鳳臺垣曲飛蝗入境 公令迅速撲捕並
搜掘蝻子諭各牧令捕蝗除種事宜八條先省躬次
除種次撲捕次定功過授以古法忱以考成使勿泄
沓閏五月六月壺關飛蝗入境交城文水魚子化蝗
平陸芮城平定黎城鳳臺潞城飛蝗入境 公委員
星夜馳勘如救火赴敵檄教佐幫同撲捕以錢米買
蝻子雖有蝗孽不致成災蓋防之豫而除之疾也奏
奉

硃批知道了欽此八月具奏清釐交代二百三十餘
案有州縣自行接收者有由府縣督算者有因轆轤
提省會算者均已各清各任內除參訊虧空十一案

並提訊甯遠一案外共二百二十餘案依限造報一律完竣略言交代不清致有虧空清查彌補半屬空言嚴交代而清查寓其中可否令各督撫飭司將新案交代依限辦理按季出具各屬並無逾限交案切結奏請交部覈對以期執簡御繁奉

硃批另有旨欽此 公自奏請立局以後時時督促查覈隨到隨轉計共虧十三萬餘兩揭參已故襄垣司嵐平定盂縣隰州平魯和林格爾汾陽崞縣各牧令通判降革翼城豐鎮甯武甯鄉浮山洪洞清水河絳州聞喜各牧令丞倅拿問查抄勒追均奉

俞旨隨案查辦歷年彌縫掩覆愈虧愈深非任勞任怨徹底清查無由畢露 公不立清查之名而獲清

查之實認真喫緊每飯不忘非不孝親見之不能悉也六月奏率屬倡捐銀二千兩聲明不敢仰邀甄敘奉

上諭查明該督子弟議敘欽此以不孝傳琛履歷咨部議敘主事分部學習得部文六月二十六日奉

上諭四川總督著王慶雲補授欽此具摺謝

恩並請陞見聲明現在籌捐撥餉事務方殷新任藩司常績及本任臬司沈兆澐不日到晉擬俟兩員中有一員到省委令專辦藩司事務臣即交卸北上奉硃批著俟交卸撫篆再行來見欽此垣曲風門口爲濟源入晉要隘兩山壁立一路中通行人止能魚貫實爲天險咸豐二年賊自懷慶竄入前撫擬移營駐

守未及舉行茲委員勘卹邵基址尙存議建礮臺瞭
臺兵房營署修爲關隘六年五月興工九月工竣用
銀六千八百餘兩又壺關縣大河村與河南林縣接
壤北倚峭壁南臨河灘係通彰衛要路亦令設關守
險六年十月興工七年五月工竣建關一座並礮臺
用工料六百餘兩一由平陽營移兵設員駐守一由
兵房共用潞澤營移兵設員駐守奏奉

硃批另有旨欽此又以豫省嵩角子山土匪肆擾奏
移前駐平陽之河保營兵二百防茅津渡殺虎協兵
三百駐東灘渡又令南鎮挑兵二百紮硤石鎮奉
硃批知道了欽此又奏請暫停知縣推升京職一摺
略言知縣推升京職原以獎勵循良合例推升者均

係久任地方無錢糧命盜處分推升而去地方少熟
悉之員各爲遷官實則置散到班率在中年以後自
知遷地弗良到任者少請飭吏部議奏奉

上諭王慶雲奏知縣推升京職之例酌議暫停一摺
著吏部議奏欽此自丙辰丁巳陝岸豫岸引鹽截角
後不限地不限價與布帛菽粟同爲疏通銷路大暢
票販爭先領運幾於有本無從得引郝存都轉以引
額不能加增而領票未能徧給恐有偏枯高下設法
封課抓籤以示公允抓獲者領票運鹽不獲者將所
封課退還初時先課後鹽今乃先課後引每逢抓籤
之期商販輻輳客店幾不能容咸豐十年十一年爲
河東最盛極暢之候終都轉任未嘗少衰逮同治初

元都轉遷任而踴躍遜前則仍有治人而無治法也
公嘗語都轉云某豈敢如雍乾諸老以增引溢課
見長但計收課五千名卽辦一案奏銷將奏銷月分
提早於成效不居功而撥款多實際矣晉省承辦平
好鐵州縣派攤幫價藩庫先行墊發往往有墊無補
庫款成虧院司科房京師交庫莫不有費 公悉其
弊竇司詳辦鐵過之不發語方伯云此款已移辦生
鐵解京可且緩解將來如不得不解須先籌款項次
議辦法不可再仍陋例七年四月致翁文端書議以
留支鈔息折價解部支放公私兩便值交卸未及行
山西丁徭未全歸地者八處壺關榆社屯留吉州保
德河曲夏縣石樓全未歸地者亦八處岢嵐右玉神

池甯武五寨偏關遼州和順貧民賣地則過糧而丁無可免往往赤貧之戶無地糧而有丁糧故有丁倒累戶戶倒累甲之語百弊叢生以夏縣七千餘兩爲多餘或三四千一二千當時漏未辦理民間苦之內有屯留等縣置公產取息以完丁糧久已相安毋庸體恤惟遼州榆社最爲民累 公商之都轉劃靈寶新課代完合之榆社共免三千餘丁免一丁卽蘇一家之困 公留心民瘼務求實際類如此豫直隸民有來晉省就食者 公言各省旱蝗晉尙中稔以情言之不忍坐視溝瘠以勢言之須先分別莠良誠入境州縣稽查申報資送出境勿令奸宄混跡以遏亂萌注意各屬書院札守令延賢師認真考課勿許人

兼兩席或送乾脩諸弊有以幕友兼主講及生監充數者悉令另聘晉陽書院爲人文薈萃乙卯鄉試榜後照薦卷冊札飭各屬送院肄業每課親爲校閱課以經文以防空疎剿襲文之優異者頒送先儒文集經說以資肄習 公在任二載有餘正己率屬杜絕苞苴風聲嚴肅懲辦軌法書差使無敢嚇詐牧令有不知自愛者甄劾不少寬假吏治一變夜臥恆寅刻便醒醒則披衣起閱公件加圈點勒帛批准駁大旨方付幕中辨色呼蒼頭具盥沐日出傳見屬官至午未方飯飯後憩一二刻判公件拆文移於應查酌批示者另爲一束夜起細閱日以爲常堂期集司道談輒移晷退後遇應商之件作函往復日或三四有以

節勞勸者 公言吾非好勞但求心安而已計前後
三年藩鹽兩庫解京外餉無慮千萬地丁不足佐以
鹽課捐輸竭力催提酌量勻解或以撥款無節箴

公 公言旁觀未知當局之難據理而論多事之秋
爲本省當留緩急以勢而論

朝廷不得已而徵調我輩畛域自封何以謝天下卸
事伊邇猶念念布置邊防乃請入覲九月初三日卸
事初六日北上二十日在

圓明園請

聖安二十二十一二十二二十三二十五日均蒙

召對於勤政殿之東書房初二三四日又蒙

召對賜克什三次退則記

天語於冊以識不忘十九日回太原省二十四日起
節赴蜀秦晉皆 公舊屬驛馬數匹之外沿途不用
地方供億十一月初九日抵成都接任於行館接部
咨

宣宗成皇帝實錄告成以曾充副總裁奉

旨加一級紀錄一次具摺謝

恩奉

硃批知道了欽此四川幅隕遼關總督職兼巡撫營
制夷情邊防鄰警尤爲要劇方伯祥奎公觀察張思
鏜公皆曾任山西知府莅蜀在先 公虛懷委任不
爲操切矯枉之舉計地丁鹽課歲入不及晉四之一
不及秦二之一邇年與秦晉同爲軍餉仰給省分又

居荆鄂上流湘軍復武漢攻潯皖軍火糧餉無不取
給於蜀廷寄月恆數起撥款急如星火 公計川省
濟餉以條糧津貼及楚引抽釐爲大宗力杜浮收中
飽務使涓滴歸公奏以撥款繁多以咸豐八年再行
勸諭各屬按糧津貼除汶川等邊瘠州縣體察情形
儘收儘解外各屬一律征收津貼隨糧完納毋許加
耗浮收奏奉廷寄

上諭著該督稽查弊竇於濟餉之中寓恤民之意如
有藉端浮收者卽從嚴參辦等因欽此刊爲謄黃曉
諭並札飭該府州隨時查核鹽釐難限定額尤易滋
弊除前定章程外飭司道慎選委員並議委員書役
人等明給薪水於釐中抽釐所得多寡視所抽盈縮

使知勸勉奏明八年正月爲始令鹽道將各廠月報抽釐數目謄示送院蓋印頒挂各廠以絕征多報少之弊又專摺將經理成效之商號議敘加井神封號設商學以資鼓舞楚省委員借餉運鹽入楚前任許之矣 公謂領餉運鹽需時售鹽放餉又需時蜀既月解楚餉此舉緩不濟急卽無夾帶影射亦不可行函致胡文忠公停之捷岸滯銷道請展課 公援陝引濟豫成事改爲代銷濟楚獲以暢行訪知綿州牧毛震壽督辦三年情形熟操守好委以稽查各廠釐務深倚賴之津貼歲入五十餘萬鹽釐歲入三十餘萬爲川省藉資外撥之大宗爐岸茶務疲滯商欠鉅萬奏請每引五包抽茶一包存倉變價納稅取課於

茶視取課於商較爲踏實奏奉

硃批戶部議奏欽此

咸豐八年戊午六十一歲

四川囑匪爲地方害劫案甲於他省 公履任通札

各屬力行保甲團練申明緝捕章程禁絕兵役包庇

懸重賞緝著名要犯又於提訊破獲囑匪正法人犯

知巨匪糾夥劫時多倩窮民助勢分賊少而破獲易

其真正匪犯交結兵役形跡詭秘日久縱颺 公謂

窮民受雇羅網戮之不足示懲訪知守備劉華千總

陳紹疇把總董上陞外委張寅素善緝捕卷查迭劫

屢拏未獲之匪單開年貌籍貫懸賞責成該弁等出

省破案十二月至二月據各地方官及派委員弁報

獲強盜百餘名距省遠者委員馳同地方官覆訊正
法其近者及迭劫多案之成都華陽內江邛州新津
綿竹雙疏彭縣仁壽等處積年漏網盜犯李麻子陶
三婆子白帽頂高二帽頂王二矩人蔡汗淋等四十
一名解省訊實恭請

王命正法情重者梟首榜書姓名籍貫案由懸犯事
地方俾昭炯戒嗣續獲巨匪陶尖腦亮等十三名正
法八月又奏請正法張缺窩等十七名均奏奉

硃批知道了欽此札兩司新牧令到任稟內令聲敘
前任有未破未獲之案凡署事卸任盜案未獲者停
委留緝又查出諱盜州縣撤任易以幹員奏參簡州
虛報獲盜十七名不匝月陸續報斃二十四名借盜

銷案倖免處分請查辦有魏大刀者積案巨匪恃有包庇在漢州署前開設茶館暗結匪類至是亦破獲又奏拏獲鄰省盜犯查係真盜卽就拏獲地方懲辦毋庸解回犯事地方以免疎虞奉

硃批著照所請刑部知道欽此川省南川西陽等處與黔連界上年十二月西陽稟報思南教匪滋事府城失守西秀彭培防堵均要奏委直牧李漸鴻管帶兵勇總辦西秀邊防副將鄒鸞章扼截龔灘要口並奏川北鎮總兵蔣玉龍帶兵久駐貴州鎮遠今思南餉道中斷饑饉堪虞請

飭蔣玉龍帶兵從銅仁繞思南之北規復郡城聯絡西秀邊境奏奉廷寄

上諭令蔣玉龍繞出思南之北規復郡城等因欽此
正月奏據南川綦江稟報貴州桐梓匪徒窺伺距邊
界數十百里兵力尙單 公令撤回夔巫西瀘口防
兵三百名撤回宣威征兵一千名交重慶鎮總兵阜
陞管帶籌防聲明綦南防務責成重慶鎮總兵阜陞
重慶府知府李莊西秀責成綏甯協副將鄒鸞章直
隸州知州李漸鴻令鄰團就兵力所及以剿爲防勿
致顧此失彼並令阜陞探明賊情相機剿辦奉

硃批知道了欽此復據阜陞稟請飭令丁憂副將賡
良幫辦奉

硃批賡良著留防差遣欽此李漸鴻報於酉陽要口
紮三大營其偏僻小口分派兵勇協助民團防守邊

外有警報附近大營立時策應 公喜其布置甚合
不至備多力分飭綦南仿照辦理勸諭思婺近界團
民擊賊由川給賞會理州知州婪罰銅廠羅升銀兩
致羅升父子與周昌豫等勾結匪黨焚掠猛糧壩起
事推羅升爲帥分設五營營長搶劫二百餘家勢將
燎原該牧令於猛糧壩正法四人該管知府稟將該
牧撤任委該守查辦恐日久勾結滇匪釀成邊患復
委署守史公致康籌辦剿撫正月據報連日兵勇兜
圍獲勝匪眾往西昌鹽源逃散二月又報兵練剿擒
首逆殲除殆盡地方肅清三月奏奉
硃批知道了欽此嗣報匪黨反獄同逃經兵勇全獲
依謀叛律正法周昌豫等四十五名梟示奏奉

上諭王慶雲奏匪徒滋事剿辦完竣地方一律肅清
辦理尙爲妥協出力員弁准令擇尤酌保等因欽此
各路撥款繁多所籌津貼及鹽釐近九十萬仍形支
絀蜀無巨富之戶與山陝不同湘軍援剿江西需餉
最急廉訪張公思鐘觀察王公廷植籍隸江西各倡
捐軍餉並於省垣重慶勸諭江西紳富捐輸銀二十
二三萬餘兩奏將廉訪賞戴花翎觀察加鹽運司銜欽
奉

俞旨又附片聲明成綿龍道蔣徵蒲籍隸湖南照江
西辦法勸湖廣紳商捐餉解楚動以桑梓急難之情
則言易入非有官民相臨之分則弊不生奉
硃批知道了欽此至次年七月共捐輸四十萬觀察

又倡捐銀兩奏奉

上諭蔣徵蒲著賞加布政使銜等因欽此川員需次州縣百有餘員丞倅佐貳亦百員分起傳見日四五員取陳文恭公從政遺規交府刻板語需次各員讀求心得川省向章優缺署事年滿輒更官鮮久位

公語方伯須改絃變通牧令處地方如逆旅利甫興而旋廢弊方革而復滋循良何由展布優缺將滿羣相希冀官方安能澄敘同官恐積重驟更需次者缺望 公言先從實任勿輕調署始非人地不稱實缺皆使回任不稱職乃改調再不稱卽應彈劾吾閱牧令人不不乏而吏治未臻非牧令之過也與方伯言勞績官員近在目前易邀鑒賞其邊瘠爲好官者往

往置之度外夫慎固封守以得人爲先邊瘠要區捷足所不樂就旣恐樸誠者悃悞無華又恐老拙者苟且戀棧加意逐一察核勿稍遷就並須平時採訪熟悉夷情邊務之員存記備用用違其才所關靡鮮矯矯自好者每難求之耳目之前又沿江多盜亦宜慎選牧令以保甯知府年力就衰梁山知縣被控門丁詐贓金堂知縣濫刑責斃生員分別勒休革訊疊奉俞旨又以興文令年老鹽源令因鹽井生事撤省另委妥員川省額兵三萬三千有餘黎雅至爐藏去十之一馬峨雷越去十之二松茂金川又去十之二腹地及東南沿邊僅有半額省西控制羌夷重兵扼駐而時勢重在東南敘州六縣在在接壤滇疆建昌與

滇亦僅一川之隔綦南西秀則斗入黔楚苗狎之交
時虞竄入顧連年征調兵力處處覺單前添四廳練
勇千六百各省標川東川北新兵三千不足補征兵
之半募兵則經費無出招勇則紀律未嫻添選赴楚
練丁身經百戰者使隸伍籍期於精以勝多節制各
營考驗署補營將當眾諭放牌示如晉時提塘報滿
願考者四十餘人試以弓馬並令讀則例數則以文
理無訛之彭桂芳充補眾論翕服與提督萬公福討
論險要評第合省將弁以求可用之才於無事之日
將營制分抄省志地圖編中又摘錄明史李紀龍朱
燮元傳悉川黔進兵險隘以便省覽語轅門收呈委
員收呈不妨從寬恐中有冤抑准理看押須慎恐意

在株連令讞局委員訟案冊記責成稽核勿許積壓
並令上控案限一月結報從前當事久有招募土兵
之議前署酉陽牧凌樹棠以楚氛不靖勸民捐屯田
四千八百餘畝穀五千石仿湖南鳳凰廳屯田章程
在城鄉要隘設屯兵五百三十七名計丁授田農隙
操演其常操練丁給錢穀以爲月餉用餘錢穀糶借
生息用備歲支揀設外委額外屯正給薪水馬乾以
資鈐束建造公所營防旗幟器械擬議規條請奏
公通籌本省全局略言屯田寓兵於農輔兵力之不
足洵足固藩籬而資戰守上年該屯練赴秀山迭勝
已有成效擬率同司道選擇與民相信之沿邊州縣
推廣舉行奉

殊批該部妥議具奏單併發欽此隨准部覆照議推行 公謂屯田興則官無養兵之費民無供億之煩邊要各屬尤宜亟講全在得人而舉勿致良法厲民將奏稿斟酌規條誠以勿貪功勿畏難開誠布公公體恤民隱刊爲畜艾編一本告諭沿途官民以西陽成事爲勸時武漢肅清川東撤防並擒剿石柱鶴遊坪馬四謀逆一案出力人員前任未及保奏至是開單請核 公以人多獎優裁抑使減覈實語方伯云保舉僭濫非不取悅目前一二人賞浮於功餘皆較量爭競有事誰爲我用保獎官員恐其濫紳團又慮其遺若實係出力吾必不靳破格馬四案內涪州團首湯大鵬先至賊寨詐降內應爲是役首功當時

僅給六品頂戴 公謂紳團出力文武攘功何以鼓舞團眾將局擬各員裁抑特保湯大鵬以藍翎守備歸標差委會理州羅升一案破穴擒渠局詳請獎有功過相抵而求優保者有出力而思躓等超遷者有委到時已經平定仍求列名者 公概予核除以只擒捕土豪不宜鋪張自指省捐班擁擠各思謀勞績爲酌委拔補地步委員某以催提穀價出省乃報沿途首獲命盜三十名請以通判酌委州縣 公批牘云不知該倅輕騎滅從前往耶抑豫意擒捕攜帶多人耶越俎不過誤差效尤且將生事不可不防其漸批司查覆緣謀差出省往往向班役購買已獲之犯敘功以圖酌委不得不核實以挽風氣川督體制雖

崇 公謙和接下務使盡言事有不可毅然不以恩
怨易念或以事貴仰成勸 公節勞者 公言欲整
頓庶務須從實事下手就日行事件切實勸懲若高
語仰成將墮廢於不及檢積小事以成大患時四邊
多警另立速行簿檔豫誠幕賓書吏勿許片刻遲留
或先具稿送司道議定或先延司道議定隨即定稿
判發不逾一日防所之申請指揮可計日奉批從無
少閣綦南設防半年本省重案迭起邊患非止一黔
自守既無了期進兵恐難返顧防所文武稟稱黔匪
焚掠日近黨羽漸多 公謂失今不圖後益難制綦
江紳士亦稟請出省助剿適滇省咨會東路回匪就
撫宣威肅清省城解嚴會理州亦報武定難民渡江

復業又奉廷寄

上諭蔣玉龍不能回顧川疆飭斟酌情形分投援剿等因欽此 公謂滇警稍紓宜肅清黔壤飭派賡良

由綦江進紮桐梓之木瓜廟方定中由南川進紮桐梓之獅溪口互相犄角肅清近界伏莽令阜鎮

守莊駐紮東溪居中調度策應嚴防又據李牧

漸鴻

稟報秀山知縣劉鍾璟在分水嶺紮營該匪衝撲六月初一二日攻散賊隊乘勝搗巢焚賊棚二十餘座

匪眾翻山由銅仁逃逸稟報情節涉於鋪張 公批

示裁抑以戢文武虛憍之氣又探知黔匪仇殺團民諭將領進兵須節節扶助民團使爲我用一面臨以聲威携其黨羽剽撫兼施令獻首惡十八日報剿綏

桐土匪獲勝仍以持重保勝誠之六月十六日酉防
輕進失機奏參革職查辦令李牧漸鴻署州篆凌牧
樹棠會辦防務時以貪功輕進誠廢良等於六月二
十八等日進剿康家洞踞匪焚其棚壘生擒匪眾奏
奉

硃批知道了欽此川省蠹役訛索平民惡習或捕鼠
竊見好而象庇大盜或稱稅契獻媚而結納門丁官
恃爲爪牙遂至肆無忌憚諭諭局重懲蠹役濟之以
猛邛州差役斃命諱爲假差親提審實置之法而掃
通惡習尤堪髮指或奉票承緝及傳證起贓輒糾多
人持械搜掠甚至教賊誣報因而掃通搶掠者從前
雖照盜劫懲辦而未立功令 公專摺奏請

飭部明定章程差役藉端掃通無論有無牌票均照強盜得財無論首從皆斬同行助惡之犯照強盜斬章問擬情節重者加梟兵丁有犯照差役擬斷奉

殊批刑部議奏欽此尋准部議嗣後掃通之案照捕役爲盜例斬立決如有擄人焚屋拒捕等事加梟教賊誣報因而掃通者身雖不行以爲首論斬決梟示同行未經動手之人無論會否分贓均擬斬候情實訊兵有犯照差役擬斷覆奏奉

旨依議欽此什邡縣詳報戴登明殺死陳良暄私埋匿報一案因牽涉姦情罪名出入甚鉅提省親訊究出戴登明強姦拒捕殺死本夫陳良暄本婦喊捕又傷本婦陳劉氏並向嚇稱如說出實情到案報害令

捏稱酒醉自抹身死陳劉氏被嚇隨以陳良暗自抹告知伊翁棺殮未報旋經醒悟同夫胞弟陳良罄報知保正李芄李芄教令陳良罄捏報陳劉氏與戴登明通姦致夫被殺復誑陳劉氏稱強姦無據須認素日有姦方能抵命意爲陳良罄坐受家產李芄從而索謝分肥陳劉氏聽信李芄急思抵命供稱通姦三次覆審又供無姦前縣屢審未能定斷接署之員以畏罪翻異刑嚇誣服定案復因詳報遲延塗改日月刪去陳劉氏喊捕各情作爲訪聞經親提訊實將戴登明陳良罄李芄按律擬罪前令報案遲延署令審理章率均予革職奉

旨刑部議奏欽此八月入闈監臨戊午科鄉試川闈

士子萬人號舍不敷 公相棘闈旁多隙地闡後捐
廉添蓋千號作楹聯懸清白堂云憶當年八試春秋
但遇兩番薦剡固知是科名早晚自有機緣却憐那
雪案寒宵沉海遺珠還有淚看此日三場燈火凡經
四度監臨可曉得條例森嚴總防關節須恕他風簷
寸晷過書舉燭本無心闈中奉廷寄彭水民彭新開
在都察院呈控奉

旨飭拏廖美連務獲毋任聚眾滋事等因欽此美連
世充彭水縣糧房以衙蠹致富捐職陝西同知武斷
鄉曲結納無賴前令畏其強梁使充團長會越境焚
搶漁山爲黔匪所讎 公聞其稔惡已久節經飭緝
毋許養癰署令到任未久憚於舉發 公決計除害

出關飛札凌李兩牧以計擒之勿致擾攘遲二日又密劄彭水接界州縣豫防逃逸竊發旋據凌牧李牧稟報已將廖匪調離彭水惟黨羽實繁未易下手

公嚴札誠以縛虎不得不急而廖匪方修砮自固演戲取樂 公計各屬均已準備乃張示嚴緝並解散黨羽廖匪聞風聚眾自衛該縣王麟飛調兵圍格殺黨羽侯正才廖美璋等該犯逃萬足場熊射等處十月初八日就獲訊無謀爲不軌及通黔匪重情惟素性兇橫豪霸一方曾殺一家死命明知奉

旨飭拏膽敢拒捕情同叛逆隨飭就地正法並起獲聯名等簿續獲惡黨綽號徐茂功之徐春山綽號王伯當之王金必等數十名委員馳往會訊搜捕黨羽

一面札誠文武勿事株連川東去省千里而遙自奉
旨至獲犯凡五十日 公初意癥結宜除反速禍小
反遲禍大恐不免用眾茲乃殲大憝於不動聲色之
中蓋決機速而運籌密也原告彭新開解至山西病
故彭新開亦係土豪與廖匪勢不兩立是以控告具
摺奏

聞並請將王麟飛賞戴藍翎歲前打箭爐同知稟陳
裡塘夷務欲調明正土司擒捕查彙 公檢案知衅
起格桑貪利尋仇今乃請辦查彙抑之未許嗣又據
稟明正土司爲查彙所刦請予調兵 公謂蠻觸相
爭不值天兵過問且夷情狡詐苟佯仇而陰助之我
師跋前疐後非大舉無以奏功邊防方亟安有兵力

西向窮荒先委文武大員會同查辦嗣又稟土司因請兵未發撤站要挾駐藏大臣恩慶因撤站不獲前進奏奉

上諭恩慶奏土司撤站阻差川省隔遠委員應聽恩慶調度以無誤行程爲要不可激成事端等因欽此恩慶公請調兵 公謂兵端一開難以中止覆令相機慎重勿涉孟浪嗣據文武周德祚謝國泰會稟調兵以查拏夾壩爲名以威格桑明正土司願效前驅兵至西俄路不深入 公允所請又遣莊倅裕崧赴裡塘諭以格桑狡獪罪浮於查象恩欽使奉

旨查辦果能曲直分明可以一勞永逸九年正月據報格桑讐于兵威畏罪查象亦因懲辦格桑輸服投

誠明正土司照舊供應恩大臣前進恩慶奏結當時
爐廳文武未免欲要功見長所稟情形若非大兵鉅
餉莫能彈治者 公持以鎮定而卒無事洵洵回民
向裸左糧民借糧本以貿易啓衅會理州報裸左糧
民被搶請予調兵募練史叔平太守稟謂荒僻愚民
忿爭宜開導解釋 公然其說委史守察看安撫經
守備馬晉銘武生撒秉清講釋息爭 公謂川境漢
回本無深怨地方官不宜過分氣類爲異日厲階敘
州七廳與滇連界李受之大守祐由龍安調署以團
保安內攘外破獲案犯奸民十餘起未請一餉未發
一兵 公批稟勗勵令爲地方計長久凋寨巡船不
可忘備撤回練勇按季會操一有緩急事半功倍

公控制邊郵務出鎮定賞拔文武屬吏務徵實效又
如此九月奏撥會爵相接閩軍餉 公捐廉二千兩
聲明不敢仰邀議敘奉

上諭王慶雲因本籍需餉捐銀二千兩解赴軍營著
該部查明該督子弟核給獎敘等因欽此以從弟傳
琨履歷咨部請議敘分發同知是月二十一日武鄉
試開棚取中如額十月成都將軍有鳳公患病告假
將印信交 公兼管具摺謝

恩奉

硃批知道了欽此西防據綏陽令移會約川兵出境
協剿桐匪凌李兩牧稟請出境夾擊言思南得手則
竊匪無能爲 公批令嚴伸紀律剿撫兼施忽據川

東道馳報凌李兩牧統兵一千五百餘名進剿見賊紮筏撲渡督隊搶上山梁獲勝麾兵追至胡家坪擒斬數百名燬其木城詎乾溪突來援賊兵勇截爲兩段凌牧受傷力戰李牧馳援被圍同時遇害陣亡紳弁兵勇百餘人經西防兵勇隔河堵援該匪未敢搶渡 公星夜檄調綿州毛牧震壽來省面商機宜接辦防務並添調兵勇馳往堵禦奏奉廷寄

上諭西陽邊防喫重如須添調兵勇著速爲調撥毋令該匪闖入完善之區李漸鴻凌樹棠陣亡情形著查明請卹等因欽此 公以凌李二牧調辦西防以防非久計思廓清黔境以副委任遇伏陣亡爲之惻然累日方定中出紮獅溪口後九月初二日攻燬乾

洞子賊巢斬獲逆首朱二童救出良民婦女四十餘
口復進攻飛梯巖克川眼山羊兩洞又用火具攻克
油硝洞擒斬僞元帥熊大童僞先鋒張麻子正法悍
匪數百軍威頗壯賡良與桐梓團民合攻層巒山亦
漸得手 公令方賡兩軍移緩就急先顧本境檄李
守皂鎮回任酌留兵勇聯絡民團防守綦南餘悉移
酉秀交毛牧會同賡協鄒協布置將調度情形具奏
奉

上諭李漸鴻凌樹棠均著照升銜議卹欽此嗣據酉
陽報殲匪首胡二黑爲兩牧雪憤南川報正安擒斬
巨竄申三三三等數千人正安解嚴邊患稍紓守備張
正倫打仗勇往年力正強被黔撫參令休致營將咸

爲拖屈片奏開復留營隨奉

俞旨次年正月據西防報川軍會同黔練攻克胡家
坪連破青龍堡等十一處賊壘又報連日攻克廟丫
寺大麾蓋荆竹山唐家坪等處賊巢二十餘處擒獲
賊官正兇摘心致祭附片奏

聞又酌撥軍餉三千兩交思南府周獻廷集團攻剿
均奉

硃批知道了欽此 公自川東設防時以輕進貪功
訓誡乃防所視賊太輕致殞二牧毛牧接辦西防
公致書每引前事爲誡復往返札商以黔團攻黔匪
助以鉛藥犒賞川員不貪功自立於不敗之地用間
謀布內應使自疑貳招之反正又奏委蔣丞

若采襄

辦西防司馬會牧西陽熟悉形勢素有循良之目至是西防號爲得人自鄰氛不靖州縣挪墊兵差致交代轆轤與山西情事相同飭司仿照山西章程奏免既往處分設局勒限清釐奉

上諭著卽仿照山西章程設局辦理以此次奏准之日另起期限勒令結報等因欽此先後奏參彭水南溪興文安岳等縣知縣交代虧短勒限清完奉廷寄上諭朕聞回匪將張亮基之姪殺害看守出入拆看文報於省城外築小城抽稅物價數倍吳振械奏報未敘張亮基之姪被殺恐其受制回人著王慶雲派員前往面見張亮基密訪具奏如須借力川兵奏聞酌辦等因欽此適張中丞之子向宸太守回川接眷

面詢係貴州帶練舉人張昱被殺同姓訛傳亦無看守出入情事回匪佔住江西會館形同小城已陸續赴援省外回黨人漸無多近省年豐米賤大局已有轉機如尙受制豈有將家屬送入虎口等語並言前此杜文秀張正泰距擾迤西現張正泰已爲我用若因利乘便攻復大理迤西鹽井鑛廠尙可籌餉惟目前須藉川餉十萬 公如所言覆奏聲明當力措滇餉以助其成抄錄廷寄

諭旨由張向宸遣丁寶瀆咨會張亮基將布置機宜奏明辦理奏奉

硃批覽奏稍慰朕懷想該督接奉諭旨必有確實奏報欽此又附片奏 臣聽張向宸所言似是明撫暗剿

回眾受創求撫其言甚順官亦藉為羈縻使省垣安堵經營迤西果能因張正泰以除杜文秀聲威既振邊患自消似不必脅之以兵使為困獸之鬪臣於諭旨中借力川兵一節尚未咨張亮基以免洩漏生變奉

殊批甚是欽此十一月二十七日 公未明起閱文案如往日忽覺右手發痺書不成字起立發軟頭眩欲傾喚不孝等起視目赤顙頰急扶就寢服解風散熱數劑遂瘥兼旬方愈而右手三指木強右腿覺軟以兼管將軍印務不欲請假恐勞

朝廷西顧同官亦言封印在卽公事漸稀可資休息十二月奏請九年再行勸諭紳民按糧津貼接濟餉

需除邊瘠之汝川等廳州縣鹽源南川綦江辦防民
力竭蹶均予免徵外飭屬實力徵解奏奉

上諭王慶雲奏請咸豐九年續辦津貼條糧實屬萬
不得已之舉儻該地方官有濛混侵蝕等弊從嚴參
辦等因欽此刊刻謄黃告諭是歲闖省靜謐至臘月
無報劫案者 公爲之稍慰

咸豐九年己未六十二歲

二月奏邊缺人員奉文後卽行起俸以示體恤略言
雷馬清屏廳縣邊要難治定例三年俸滿撤回內地
無論題調選保升故人願承乏邇年登進途寬甫經
升補卽借徑他途恐要缺難於得人可否准該廳縣
以部文升補之日起俸未經引

見不得請升以示限制奏奉

上諭著照所請嗣經部議覆駁奉

殊批著照原請行其餘各缺及他省不得援以爲例
欽此是年奉

旨巡閱四川營伍三月調集省標十營並新兵考核
分別記名升拔準頭未穩者勒限練習又以山西銅
礮爲式捐造銅鐵各礮用車推挽與擡槍擡礮遠近
迭攻各聲威陣以聲威礮演潮月陣奏明以列春秋
二操又奏川省驛站夫馬不敷借資民力雲貴改經
川陝差務增繁苟無濫派民猶相安惟朝貢土司過
境往往挾制刁難請嗣後土司如敢索擾一面改員
押送遘行一面查參護解官弁其帶兵縱容所部需

索行兇者以軍法從事奏奉

硃批另有旨欽此又奏革牧陳彥坤許告大員奏

聞一摺陳彥坤因在簡州借盜銷案撤省查出交代虧短期限嚴迫該革員列款稟許藩司及該管知府請予查辦所控情節較重抄呈

御覽請

簡大員查辦奏入 公適調任廷寄交署督有鳳公訊辦 公自去冬得恙後雖照常趨公惟時覺髀骨酸楚肝氣復發胸背板痛服消散劑胸膈紓而肢體軟舊時肝疾偶發皆在胸膈而肢體無恙此番舊疾爲風熱鉤動胸背偶有瘳時肢末總欠靈動四月奉上諭調補兩廣總督具摺謝

恩隨即請釐移交事件五月初九日交卸請假一月調理奉

上諭賞假一個月在川調理假滿即赴新任等因欽此謝

恩摺旋奉廷寄

上諭朕以王慶雲平日辦事精細心地和平必能馴擾外夷安定民心操縱得宜故特簡任是缺等因欽此並

指示到粵以後機宜 公於將領中特賞參將德茂熟習夷情委護建昌鎮總兵前冬會理州羅升之亂今春越舊阿陂落野夷之擾不煩內地兵力德茂之功居多蓋建北夷巢幽阻能彈壓管夷兵役即足以

羈縻建南金沙江滇警戒嚴能駕馭土司並可以用
眾以丁憂格於升途具摺聲敘保奏請將德茂先加
副將銜署理建昌鎮以重事權奏奉

上諭四川護建昌鎮總兵丁憂參將德茂俟服闋後
以副將卽升先加副將銜署理建昌鎮總兵欽此又
請將彙案記獎防剿連界滇黔牧令移交後任覈奏
出境獲勝者每案不得過十人本境辦防者每案勿
過三數人以杜冒濫奏奉

俞旨著准其交有鳳彙案擇尤請獎等因欽此 公
與方伯言軍務未竣度支年絀一年津貼及鹽釐出
入須遞年清理庶免積久而弊釐剔益見繁重俟徵
取冊籍尅期已晚後二年方伯交卸因造報留滯時

日蓋 公與同舟已早慮及矣抵任時藩庫存百一十萬年餘以來撥解殷繁至交卸仍存百一十萬蜀非山陝腹地可比宜留不時之需任內籌辦條糧津貼楚鹽抽釐並江西湖廣捐輸共百五十萬以備撥解而本省仍不令空虛廷寄撥解滇餉有王慶雲素能不分畛域之

諭 公爲之踴躍不安謂所至皆完善之區故能力顧大局蒙

天語激勵益生兢凜 公文卸旬日川東報湖南髮逆大股肆擾當事調兵籌防有言守白帝城者有言守城口守施南者 公爲區畫地勢言賊擾榔桂而守利川來鳳儻涪渝有警夔巫難以返顧宜飛探賊

北出辰州永順當守黔彭西出沅州須扼酉秀若闌
入彭涪則重慶爲必爭之地不如駐兵龔灘以屏酉
秀駐兵涪口以護黔彭俟荆宜有警再防夔巫猶與
同官參酌不倦謂同官吾去後無所囑惟位置邊防
人才均已練習非有大故勿輕更易庶保川疆無事
以粵事未有把握不欲以眷口自累命 不孝奉 母
入秦七月十六日自錦江登舟出夔府溽暑驚溽匡
坐無事念廣州海防關係大局天津警報時聞不服
撫馭勞心焦慮肝氣大作八月十八日至漢口假館
漢陽考棚調理胡文忠公撫鄂駐兵黃州書來言
天子念海南重地非得知古今識治理蓋勤篤棊之
大臣不能長駕遠馭以系天下安危 公雖勞其能

已乎鄂中億萬生靈與二三官吏今日之得以衣食
存活者皆我 公在秦在晉在蜀之所生成而扶持
之也人情危則思救安則自嬉每念舊德中心不忘
公復書云某此次量移意料不及前因肝氣作痛
假滿後由長江東下而憤悱鬱結由脾經延及四肢
右手尤甚假館漢陽暫圖休息靜念此病由力小任
重思慮傷脾若冒昧前進是謂自欺來教雖勞其能
已乎諒亦鑒某此心固止乎不得不止也無論粵之
西北二江群匪屯踞斷難息兵卽撫夷一節
聖人亦謂寬嚴並用某以無武之身兼當久病之後
安可黽勉貽誤惟至今而始避賢路引退之不早固
知罪矣居漢陽一月宵不獲寐日食減少醫藥不效

以調任五閱月具摺懇請開缺調理北上就醫九月
十二日奉

上諭准其開缺安心調理俟病痊後卽行來京候旨
欽此又附片引宋仁宗時韓范二臣同上禦戎四策
老謀成算百世可爲龜鑑其策以和好爲權宜以戰
守爲實事臣思能戰而後守可固能守而後和可久
防備之具弛之甚易張之甚難撤備而無以爲守不
但欲戰不能且有欲和不得者臣病中過慮冒昧陳
奏同日奉

硃批卿亦可謂老謀成算矣欽此蓋 公受

恩深重病軀不獲報效身未至粵而心難稍釋不謂
獲契

宸衷加之褒語也十月十五日由漢陽登舟溯漢江而上不孝聞病星夜視疾舟次相遇十一月初二日大吐大下幾至不支初四至襄陽初六住樊城復延醫服藥稍輕減二十九日由樊城至西安度歲咸豐十年庚申六十三歲

寄居西安正二月暫息薪勞專意調理前患未除亦不增劇晴窗課孫仁堪輩爲之點讀儀禮評註刪節抄本授之三月肩下一瘤膿潰兼旬收口氣血益傷脚軟尤甚間閱韓魏公范文正公集以與生平政學印證報國之志未嘗刻忘時杭州失而旋復天津海警時聞每閱抄報吁嗟累日四月渡河僑居汾州近依輦轂爲入都便易計讀六月二十邸抄裁南河河

督缺併海揚徐三道爲一缺裁廳官十三缺改爲同
通二員其管河州同縣丞州判主簿巡檢一併裁汰
設淮安總兵裁武弁六十七員河兵悉改操防 公
喜曰天下好事何必自我發之 公任戶部時曾奏
請裁廳歸汛以節糜費至是大概如 公議而
九重獲悉河員冗濫決予裁汰不始今日也徐松龕
先生時主講平遙以十二時無病法及養生諸說以
資靜攝無如心繫

君國聞天津大沽礮臺危急又聞徵秦晉兵星夜入
衛情懷作惡疾病相纏末由報効前驅頓足自恨不
止或時檢戊申己酉著述手自署記欲加刪潤而心
力已不逮 先慈及 不幸時以節勞阻勸然尙展卷

不廢九月聞

顯皇帝駕幸熱河憂惕莫名日夜徬徨以病軀不獲
扈從具摺跪請

聖安附奏云當此多事之秋臣不能効力行間復不
獲隨扈牧圉身微罪鉅何以自容所賴

保宏濟之

聖躬以延無疆之

天眷不勝冀望之至經山西英中丞代遞奉

硃批知道了欽此十一月二十三夜腹驟痛連下數

次精力益憊不孝以陳朗川太史楷精歧黃甫從京

師函邀到汾酌丸方湯劑服仍未效

咸豐十一年辛酉六十四歲

天寒未出臥室累月見上年普勸官捐部文至汾州
捐銀一千兩解省呈明助餉英中丞轉奏奉

旨交部議敘嗣奉部議加一級不孝窺公病由心

血過耗必心安情怡精力冀可漸復城居少怡悅幽
曠之觀因購郡西張氏廢園略加修葺以參茸之值
代參茸之餌冀承 親歡新歲聞京師熱河如常靜

謐 親心稍寬四月移居園中每風日清和扶杖坐
廳事開前後窗門望山色聽泉聲古樹黛翠雜花鮮
妍城內謀甘旨送園居孫等及眷屬輪流視問起居
意適情怡頗見欣悅因擬屏謝藥餌專事靜攝詎意

七月十七日

顯皇帝龍馭上賓

遺詔至汾

不孝

不敢不告以暑退秋涼請返城廡以

國卹聞

公縞素設香案號哭盡哀

不孝

勸慰莫釋

退而自記云

上臨御十有一年訪落之初

臣

卽備員侍從其時四

方無虞大吏以安靜爲福

朝廷不及知也方開言路罷貲郎蠲逋租議日講維
新之治爛然改觀未幾而粵西倭擾外省分儲不足
發內帑供軍餉而師武臣力未之聞焉於是東南不
利輾轉及於中原天塹內外幾不知有正朔其黠者
直欲窺伺神京旁擾畿輔

臣

於是待罪農官勞而無

補嗣縮符秦晉不獲屢承

顧問迴憶借徵之議

臣

首荷其重而朝上書夕報可

蓋知

聖心不以借徵爲然故

陸辭

召對數次皆凜凜以貧民爲念臣仰體

聖衷直陳無隱咸豐七年述職入

覲仰荷

天顏溫霽以四川吏治未理民風未醇爲誠及蘇杭
淪陷疆事日亟一日而初政不暇舉行一切權宜之
政有非

聖心所樂從而時勢所強而趨者至於蒙塵上谷猶
惓惓繫念

橋山不豫累月

龍馭上賓小臣不獲哭臨一伸號慟此臣所由擗踊而不能已也 先慈以病體方有起色勸爲

國自愛然自是以後肌體消瘦形神交瘁每念

皇上冲齡踐阼金陵未復莫效涓埃憤悱未能稍釋較七月園居時容顏頓改不孝始懼難以復原矣九月

皇太后

皇上奉

顯皇帝梓宮到京

皇太后垂簾聽政

登極前一日降

旨起用壽陽祁文端公常熟翁文端公順德羅文恪

公皆以退閒徵召倭文端公以盛京侍郎內調同日擢用 公都察院左都御史十五日又奉

上諭新授都察院左都御史王慶雲著卽來京供職欽此

君門萬里度病已就痊而不知已深入膏肓矣具摺謝

恩並請假三個月調理十二月十七日又奉

上諭工部尙書著王慶雲補授欽此

同治元年壬戌六十五歲

正月得部文再具摺謝

恩附片自陳病狀趕緊調理然已不出臥房累月矣
令 孫輩 讀毛詩出車六月諸篇泣下沾襟蓋報

國心長自知日暮途迫也從太平縣延張秀先司馬
來汾診視一月未效假期已滿病體日羸猶促不孝
料理行裝意欲緩程到京一瞻

廷闕再定進退行期屢改定於三月初八啓行初七
日清明望祭先塋拜不能起急扶入臥室猝然暈
倒閉目不語亟投參附至二鼓略醒呼不孝口授遺
摺數語風痰上壅寅刻喘大作辰刻棄不孝而長逝
矣嗚呼痛哉嗚呼痛哉遺摺至京十八日奉

上諭工部尚書王慶雲服官中外懋著勤勞由翰林
通籍游升兩廣總督因病開缺調理上年因求才孔
亟降旨徵召特授都察院左都御史旋升工部尚書
方期迅速來京重資倚畀乃於起程之前一日猝因

痰疾遽爾溘逝遺章披覽悼惜殊深王慶雲著照尙書例賜卹任內一切處分悉與開復應得卹典該衙門查例具奏欽此尋奉

旨予謚文勤頒到

御祭文

御碑文祭葬銀如例同治三年山西在籍紳士前任大理寺少卿田雨公等合詞請祀 公山西各宦祠祁文端公任宗伯以 公於山西爲國爲民入祠無忝以三品以上大員仍專摺具奏六月十三日奉

旨依議欽此 公起家儒素克自樹立英年舉賢書名噪鄉里五上公車始捷南宮二十三歲時作制藝三四千篇稿存從姪策堂伯兄處未及付梓 不孝

生晚已無從見其手自鈔集經說間附論斷得第後
爲坦臯仲舅借鈔舅歿本亦遺失今惟存穆天子傳
一卷早歲擬爲補注丹墨細楷爲日彩極真時考據
之筆入詞林專意詩賦論疏散館前後撰著甚夥甲
午使粵寄同鄉寓謂不日回京也不意丁艱旋里丁
酉到京被讖者攫取無存此 公早歲文字散失之
由也然 公所志不在詞章爲人題咏古近體詩輒
不留稿偶有唱和被知好攜去不甚惜論 不幸 詩賦
入股自有專家所作雖偶愜心要難擅勝將來刊稿
不必闌入 公生平居官治家交友馭下務平易近
情實事求是不立岸異不事矯飾自丙午到京供職
後十七年日記未嘗間斷日之所爲夜則記之心有

未安輒筆以自省所著石渠餘紀於

朝政國典窮源溯流務悉全體因時制宜出以論斷
今附刻奏稿後與人交無親疏常言人之欲善誰不
如我議有未合不憚推誠往復無畛域城府之見治
家則主言教不如身教一語鞠育慈愛從少刻責雖
至僮僕亦罕訶斥佐司農後事漸煩重自箴以有忍
有恆名節署辦公之所曰二有軒並函囑及門龍翰
臣方伯銘之天性恬靜淡泊靡獨名場恬退不急仕
進年五十猶官編修念念求己安之若素常與同館
後輩言官編檢說不得貧乏職清高而求豐足則無
以立品說不得寂寞捨職業而豔勢要則無以安命
說不得遲滯資俸未深亟思升轉無益而且貽悔論

者以爲名言丁未大考第一未嘗自喜而常慮報稱之難仰蒙

文宗顯皇帝特達之知由詹事擢佐農部出任封圻殫心竭力凡應奏事積三四件卽拜發草奏日停閱公事專意屬草嘗言

九重一日萬幾入告體裁務簡明尙體要應有盡有勿支蔓勿疏漏遇情節繁多之件尤苦心刪節條貫不使冗長每一稿斟酌二三過乃繕正以故前後六年奏摺二三百件每契

聖心常蒙

硃批所奏是所奏甚是及謀國之誠老謀成算諸褒語廷寄撥解滇餉有王慶雲素能不分畛域之

諭嘗謂

明主可與忠言事有當幹旋乞

恩者語語從心坎出無表暴無掩覆無見好偏徇言
必昌明恆邀

天鑒前後十年

恩眷久而彌篤且不獨

顯皇帝知之有素

垂簾議定特奉

恩旨簡任實缺其見信於中外而爲鈞軸所推重者
非一日也乃

朝命方新而桑榆已迫不獲延年壽爲

新政勳贊一二此 公所抱恨九泉而 不孝 終天之

痛無窮期也嗚呼痛哉同治元年南北道途梗阻閏
七月不孝奉先公先妣寄葬於汾州西鄉之恆
嘉山梁八年東豫肅清扶靈歸里卜於八月二十六
日合葬於福州西鄉芋坑山祖塋右次不孝謹就
公生前日記奏牘擇其有關國政行誼者謹述以
補

國史列傳所未載備

當代君子採擇傳諸不朽不孝幸甚感甚

同治八年己巳正月不孝男傳燦謹述後六十五年

癸酉五月孫女婿陳寶琛謹填諱並校字曾孫孝綺

敬謹覆校

王文勤公年譜校勘記

一葉十四行司上落使字二十行己字誤作已

二葉一行祖上落會字七行解字誤作能十六行己字誤作已

四葉三行叔祖父母四字應作叔祖叔祖母十四行竹訂二字應作師竹十六行溱字誤作臻十八行己字誤作已二十三行從伯父之從字應移下一格

五葉九行十行兩已字均誤作己

六葉九行十行祖上應空一格

七葉四行己字誤作已十七行厲應作勵二十二行遍應作徧二十四行抄應作鈔

八葉十八行祖上應空一格二十一行叔祖父母四

字應作叔祖叔祖母

九葉十四行一下落列字

十葉十二行已字誤作己二十四行司上落使字

十一葉三行抄應作鈔五行班字誤作班

十二葉八行十九行兩已字均誤作己

十三葉六行十行兩已字均誤作己

十四葉四行六行十八行三已字均誤作己

十五葉九行飭下落各字

十六葉十四行尹下落事字

十八葉四行私字誤作科五行蠹應作蝨六行衛應

作衛十六行調字誤作召十七行十八行八空格應

作何時課休養藉手答八字十九行已字誤作己

二十葉九行收上落所字十六行三下落日字二十一行鍵下落若字

二十一葉十行衛應作衛二十三行月字誤作日二十四行倘應作儻

二十二葉四行二十四行兩巳字均誤作己

二十三葉二行床應作牀九行旨下落交字十五行巳字誤作己二十二行到字可刪

二十四葉十四行十五行二十二行三伸字均誤作紳

二十五葉七行巳字誤作己十一行截字誤作接

二十六葉十三行十四行十六行二十一行四伸字均誤作紳

二十七葉五行十七行兩已字均誤作己六行不得已之已字誤作不

二十八葉二行拿應作拏十七行脚字誤作本

二十九葉十二行厲應作勵

三十一葉十二行捐勸二字應作勸捐

三十二葉六行倘應作儻十四行訊字誤作訊

三十四葉一行緘應作函三行四行五行三訊字均誤作訊

三十五葉十二行訊字誤作訊十六行陽下落城字

三十六葉十二行倘應作儻

三十七葉八行興下落鎮字九行井應作並

三十九葉二行愬字誤作懸七行尋下落准字十六

行并應作並十八行飭字誤作斥二十行國上應空一格

四十葉十行冊下落本字抄應作鈔二十三行衛應作衛

四十一葉七行敘應作敘衛應作衛十四行陣字誤作陳

四十二葉九行到字可刪二十三行敘應作敘

四十三葉五行垣下落營字十三行帶下落官字十五行協下落官字二十行忠下落公字

四十四葉十二行十三行兩訊字均誤作訊二十二行拿應作拏

四十五葉十六行衛應作衛十七行臺下落兵房共

三字十九行兵房共用四字應刪二十行嵩下落山
字

四十六葉二十一行端下落公字

五十葉六行十三行十七行三訊字均誤作訊二十
四行獲盜下落二字

五十一葉一行請下落撤省二字

五十二葉八行肅字誤作敘十九行訊字誤作訊

五十四葉十行抄應作鈔化字誤作紀

五十六葉二十四行携應作攜

五十七葉二十二行訊字誤作訊

五十八葉九行訊字誤作訊

五十九葉六行衛應作衛八行十二行兩訊字均誤

作訊九行數字誤作死二十行裡應作裏

六十葉十行裡應作裏二十一行太字誤作大

六十三葉二十行抄應作鈔

六十四葉四行咨下落明字

六十五葉十二行兵下落官字十七行抄應作鈔二

十行訊字誤作訊

六十九葉八行十一行十二行三抄字均應作鈔二

十二行衛應作衛

七十葉十行岐字誤作歧

七十一葉一行厲應作寓

--	--	--	--	--	--	--	--	--	--	--	--